

臨

縣

志

臨縣志卷八

試署臨縣知事古黔胡宗虞監脩
山西大學校文科學長晉城郭象升審定

疆域畧第一

中畫郊圻慎固封守體國經野之道莫先於斯臨隸晉之西鄙重
山複嶺有大河以環其西亦猷以榦於東北阨堠塢南極馬頭儼
然四塞之區雖域民不以封疆固國不在山谿然鐸爲晉陽一邑
足資保障戶牖綢繆未必非守土者責也謹將四至八到城市區
所橋梁津渡關隘道路郵務集會凡隸於疆域者次第及焉
四至

東至黃龍山脊六十里與離石縣分界

南至馬頭山脊九十五里與離石縣分界

西至黃河岸一百二十里

北至堠塢八十里與興縣分界

八到

東北到嵐縣界八十里到山後所靜樂縣界一百三十里

山後所東出縣

界五十里孤懸於離石東北境東與交城黑塢分界東北與靜樂一箭嶺分界南西北俱與離石分界

東南到霍家嶺離石界八十里到離石大武鎮一百二十里

西南到離石孟門鎮一百二十里到陝西吳堡縣一百六十里

西北到興縣界大峪口一百五十五里到陝西神木縣沙坳頭二

百二十五里

謹案縣境在山西省城西南五百五十里東西廣一百七十

里南北袤一百七十五里距京師一千八百里境內里數均

以蛇行道計算非直線也

城關及區所

縣境分中東南西北五區中區八所東區七所南區七所西區七所北區七所每所村落不等

中區八所

各村下所注里數皆以距城而言

在城所

城內

忠孝坊

南至東門內正街西至舊城根

賢良坊

北至正街南至四樓

東西皆至城根

中正坊

北至四樓街南至河渠東西皆至城根

和利坊

北至河渠東南西均至城根四坊名

目界址係新更正

附郭四關

均無城堡舖店以其近城故名

東關東峪溝

距城一里

栢樹溝

二里田家溝

三南關

南門外

龜柳村

一里南場上

寺家場

同五里

西關

西門外門賢

里五王家里

八里北關

北門外

趙家石岩

二里

麻峪村

三里

黃貝場

郭

家岔

同五里

王家場

十里

卷八

榆林所

在城北

榆林村

距城五里

馬家庄

六里

王家庄

七里

張家溝

萬安坪

萬安坪

萬安里

上西坡

同十里

前李家溝

十二里

白家溝

十三里

庄則上

後李家溝

東白村

陳家庄

同十里

前大黃

十六里

後大黃

十七里

康家灣

郭家里

足扒山

同二十里

劉家山

二十里

木瓜坪

二十里

家塢

二十里

前長樂

徐家里

同三十里

馬家里

四十里

化林所

在城北

化林村

距城五里

喬家溝

十七里

董家溝

上會村

中會

村

下會村

李家場

西白家溝

園上村

沙棚里

廟

峪溝

劉家圪塋

柳溝

師庄

槐樹坪

橋溝

高家柳

同三
十里

段家溝

劉落場

同三十里

任柱峁

馮家塢

白家塢

同三里

同十五
里

蛇尾溝

四十里

柳場

上白場

同四十五里

西山里

李家條

同十
里

南家庄

里上村

柴家塢

張谷村

同五十五里

西郭家溝

十六里

里

白家庄所

在城南

白家庄

距城二十里

前甘泉

三里

後甘泉

五里

小神塢

郭

家溝

同十里

李家崩

薛家塢

同十里

周家塢

周家溝

李家坡

底

實唐會

成家梁

紙火圪塔

同十里

魏家灣

李家場

同

十里柳和溝

張家灣

圪針灣

同二十里

寺塢

半坡山

同三十里

崖

頭村

四十里

山郎所

在城南

都督村

任家溝

距城同十里

煖泉會

善眷溝

同二十里

後寨

子

十三里

安業村

下西坡

同五里

孫家圪台

十七里

火燒山

賀家

溝

李家圪台

同二十里

東嶺上

同二十里

趙家圪台

同三十里

紅樹塢

柳

樹塢

劉家圪台

同五里

滿稍頭

麥禾局

治化泉

同八里

二十里

大窩溝

三十里

各麻里

三十里

丁家溝

四十里

保安所 在城正南 青塘 李家庄 舊名關王廟 東溝 距城二十里 青塘溝 五里 趙

家岔 大峪溝 磚廊門 前劉家庄 同三里 後劉家庄 五里 王

家坪 三十里 賈家溝 七里

純孝所 在城西 白虎塢 王家畔 距城十里 後月鏡 瑤坪塢 同五里 前

月鏡 胡家塢 青蒿塢 梅頭庄 泥溝村 王家會 同二里

董家塢 廟角 青蒿溝 前塢 劉家塢 武家灣 郝家

梁 月家溝 同五里 清涼寺 版頭 武家溝 化石里 後

王家溝 走馬塢 蒼里 西馮家會 孝長村 前南溝

後南溝 花塢里 呼家溝 圪凹村 同三里 尤家坪 五里 化成

村 前山寨 大石吉 康家坪 安家庄 下塢村 上塢

村 木家山 西王家溝 張家峁 李家溝 前井頭 後

井頭 康家場 同四里 後山寨 段家溝 康家里 同四里 田家

山 問家山 王家崩 高家崩 曹家岔 吉家溝 東王

家溝 張家里 同五里 岔上 石畔上 同五里 杜家場 栢場則

趙家溝 李家壩 還則局 同六里

善慶所 在城南 善慶峪 岐道 距城三十里 府底村 三十里 西溝村 賀家

圪台 石梯溝 堯家山 劉家圪塔 佛堂峪 同五里 前陽

場 圪台上 同七里 後陽場 火燎坡 石匣里 張家圪塔

神峪場 中土寨 寨則底 大後溝 蒿陵底 杜家里

呂家里 同四里 上樊家山 下樊家山 胡公村 郭家里 神

峪溝 同五里 泉王村 常家圪凹 青家塢 同五里 曹家崩 杜

家圪凹 奉子甲 馬家圪凹 同五里 嶺西村 李家山 同六里

四杰村 六十里 高家塢 古名黍局上 圪針坡 同七里 車趕溝 八十里

東區七所

吉家庄所 在城北 吉家庄 距城十五里 婆婆場 後長樂 木杓場 同三里

郭家里 三十里 楊家崖 四十里 楊家里 苗家庄 同四里 險岩上

宋家溝 苗家山 宋家山 同五里 灣里 郝家岔 雙元則 同五里

十五里 李家場 六十里

福興所 在城北 石盤頭 距城五里 曹家林 五里 王家會 馬家溝 同七里

張家村 五十里 胡家峪 五十里 牧周會 陽灣里 同六里 郝家灣

杜家圪塋 同六里 花牛溝 四十里 賀家峁 沙坡底 同六里 木炭

溝 白家圪台 高家溝 同七里 新舍窠 七里 旺羊圪洞 七里

牛欄溝 劉家村 同七里

永豐所 在城東 永豐村 距城十五里 玉聘村 二十里 常家坪 二十里 辛家場 十二里

三 玉薦村 二十五里 禹家梁 三十里 狼窩山 三十里 棗林村 孟家塢

苗家塢 孫家圪塋 李家圪塋 楊家圪塋 陽泉圪塔

同三十里 牛家崩 張家塢 同三十里 高家山 棗塋里 秦家崩

高家崩 同四十里 高廟梁 四十里 制家溝 長塢堡 劉家庄 柳家

溝 上 豪則居 同四十里 榆樹崩 四十里 郝圪塔 宣山梁 李家

山 同五里 康家塋 五里 走馬梁 馬脖則塢 鶯歌嘴 轆軸崩

舍窠梁 馬家溝 官道崩 同五十里

雲山所 在城南 窩家山 馮家山 同三十里 前大峪 後大峪 秦家圪

塋 杜家溝 同三十里 瓦舍坪 王家坡 前小峪 月明居

蛾兒村 同四十里 石窩里 對家塋 侯家溝底 後小峪 黃草

林同四十里 劉家溝 漢高里 馬黎坡 南窰里 菓則園

秦家坡上 樹則山同五里 南庄 後庄 王家山 張家山

沙家塢同六里 石站頭七十里

曹家山所在城南 曹家山距城七里 坪塢五里 王家山 趙家場同六里

官局上 槐樹塢 上趙村 堡上 杜家溝同六里 袁家甲

胡家嶺 呼家灣 張家場同七里 宋家山七十里 韓家山 沐浴

村 任家山 吳城局 常家山 牛家嶺 觀音堂同七里

馬家梁 白家嘴同七里 福興山 周家山同七里 石家崩十八里

陽崩上九里 閻家崩 曹家圪塔同九里

洪福所在城南 前陡泉距城五里 崔家坪六里 崔家嶺 樊家嶺 鐘

底同六里 塿頭村 桃場村 前南溝同七里 中南溝 窩子坡

南嶺上同七十五里後南溝八十里楊家嶺 湍水頭 崔家塢 薛

家山 高家峁 興龍局 鸞樹峁 趙家坡 琵琶耳 楊

家圪凹同八十五里新舍窠 張家莊 黃家坡 龍水頭 寺圪

塔 石門塢 安則山 小寨上 胡家溝同九十里鄧家場九十里

山後所在城東北溫家庄距城一百二十里君則溝一百三十里赤家會一百四十里神

溝 周家溝同一百四十五里秦家崖一百五十里明復溝一百五十五里陽寨一百

六十里黑黑塢一百六十五里

南區七所

三交所在城南三交鎮距城五十里

義居所在城南呂家塢距城四十里劉王溝四十里雙塔村五十里孫家溝十五

八里薛家坪 塢頭 田家山 大柏嶺 任家坪 李家場

棗圪塔 高家溝 段家庄 中庄同六十里 薛家圪台 王家

庄 劉家山 王家溝 駱家庄 張家溝 橋頭同七十里 小西

局 康家圪台 寨崩上 光明村 宋家圪台 磁窑溝

存禮村 大西局 橋則堡 武家坡 岩窑場 段家場同七

十五里 黃家圪台 樊家山 圪柳局 火山村 樊包頭 趙

家山 原上 薛家山古名郝家山 同八十里 呼家山八十里 薛家坡 孫

家場 西塋同七里 戶地塢 老陽場 鞍則山 大井場同九

里 棗壩 高家庄 後寺梁同五里 豪則塢同一百一十二里

圪地峪所在城南 同十里 圪地峪距城五里 朱家溝四十里 朱家會五十里 劉家會

張家坪 馬家山 碾則塢 石坡村 碾則溝 東郭家山

下馬家山同六十里 楊嶺局六十里 羅家山 楊家嶺同六十里 白家坂

孫家溝 圪陡塢 史家塢 婁家圪台 龍尾崩 東郭家

山 同六十里 侯家里 任家山 孫家嶺 郭家岩 同七里 蔚家山

興仁里 東劉家溝 王家圪凹 同七十里 雙柏樹 閻家山

同七十里 薛家山 西郭家山 龍鳳山 夾塢村 采樹里

南庄局 郭家塢 同八里

徐家塢所 在城南 徐家塢 李家溝 同七十里 馬山局 李家塢 同七十里

里 杏塢村 喬麥斜 許家塢 同八十里 棗塢村 李家塢 同八十里

張家塢 官道夾 石佛山 同九里 寨崩村 木瓜塢 同九里 廟

塢村 長局上 白草村 豪傑塢 同九里 王家塢 高家塢

同九里 張家圪塢 溝底村 同一百里 棗嶺則 同一百里 索達干 同一百里

堡則峪所 在城南 堡則峪 距城九里 石壑則 六十里 麻場村 下王家圪

礫同七馮家山五里大水場 王家山 一步塢 杏林局

白家塢 中庄村 張劉家溝同八寨則溝 羅產塢 舍窠

塢 馬家山 張家山 王家庄 大王家場同八小王家

場 前塢村 王家里同九王家峁 馬家塚同九寨上村

黑水溝 馬家庄 馬家圪凹 高家山同馬家場 嘴

頭村 高家場 庄頭村同

普照所在城回龍場 高家塢距城南嶺村八孫家場 高

崖頭同九春喬庄 寺坂底 杜家庄同孫家溝 爐則畔

同留鄰庄 桑坪上同百局上 西坡上同張家

坡 新舍窠 劉家庄同三山則同長塢村 龍門塢

接神塢 石渠溝 賀家灣 王家灣同任家山 解

岩局 同一百一十五里

香爐所 在城南 李家圪塥 七十里 林家坪 八十里 沙原村 高家圪台 八里

十二里 林家圪塥 水源 大長 林家場 高家坪 馮家會

馬樂場 同九里 馬家山 滴水局 石櫺上 老陽場 樊家

溝 同九里 後庄村 九十里 前庄村 九十里 馬家嶺 侯家圪台 高

家庄 紅岩村 劉家圪塔 同五里 寨子山 九十里 香草港 馮

家場 官地村 西頭村 磧口鎮 觀溝 劉家嶺 蔴塢

村 曹家場 南塋村 白家山 東山村 崇彩場 後場上

前場上 雙圪洞 彩家庄 後靳家峁 前靳家峁 塋頭

村 小白家峁 半峁村 後高家圪旦 成家圪旦 白家

峁 蘇家坡 龍王殿 南庄村 毫局上 源上村 張家

港 白家塢 梁家坡 半溝同里一百 小場則三里一百 鏵場村 李

家圪旦同里一百 雙耳則 延家崩 楊家塢 楊家溝 興舍

窠 李家山 庄耳村 峯山村 岳山坪 成家場 薛家

塢 塋西村 黃家峪 槐樹壩 寨上村 塢耳村 雙坪

上同里一百 低耳村 成家塢 圪塔上 李家梁 沙嘴頭

下場上同里一百 碾塢村 塋壩村 龍尾崩 高和崩 李家

塢 劉家坡 渠頭村 崩壩村 蘿武山 郝家山 鳳凰

山同里一百 南塢村 小園則 彩樹局 濮牛凌 楊家塢

吳鼻塢 馮家溝 後發村 棗窩村 郝家場 田家坡同

百二王家溝百二 喬則溝 小溝村 成家梁同里一百二

西區七所

廟塢所 在城 廟塢村 距城四里 高家壩 高家嶺 沈家溝 木家

坪 張家坪 謝家溝 塞上 同三十里 合塢里 沈家山 苗

家崩 苗家塢 下塢村 桑塢村 曹木村 化家村 同四里

襖羅局 霧里村 九峪村 同四十里 寨崩上 後槽底 趙塢

村 龍居村 楊壩村 秦家山 石垛山 石白頭 馬安

梁 高家嘴 石寨村 西山村 蒿崩則 薛家塢 爐則

崩 張家山 西叢峪 劉家圪凹 同五十里 柏寨村 四十里 前曹峪

坪 前高家嘴 郝家壩 小甲頭 張家圪塔 同五十里 曹家

壩 井道坡 柳家山 侯壩村 西山局 楊家山 青蒿

場 下崩頭 小場則 后場上 獅子壩 塢頭村 李家

甲 高家壩 劉家壩 賀家庄 葉樹里 武家畔 劉家

里 牧家山 榆樹崩 大塚村 十家甲 應斗崩 下庄

村 小寨則 大窰則塚 同六里 李家庄 李家溝 同六里 大里

上 賀家塚 小王家庄 大王家庄 西塚村 喬家塚

大甲頭 佛堂局 瓦窰崩 同七里 郝家山 武家塚 棗崩上

駝崩場 庄頭村 同七里 劉家溝 劉家坪 曹曹甲 白

馬殿 麻塚 同八里

兔兒坂所 在城西 兔兒坂 距城八里 西溝 長盛場 南嶺上 同六里

王家坪 胡家圪塔 柴家岔 蒿家溝 劉家里 小舍窠

圪凹頭 同七里 王家塢 流泉則溝 柴家溝 寺石塚 閻

家溝 寺頭 同七里 九垣溝 杜家圪塹 岔溝村 高家圪

塹 崩底 龐村 窰塢 高家山 劉家山 同八里 房家溝

王家峪 黑豆崩 高家溝同八里 偏馬 崇條堞 王家溝

同九里 常家塢九里 張家坪 張家崩 喬家圪台 白草坪

張家壩同百里 高家里 王家圪凹 郭家溝同五里 大全頭一百一

里十

庄頭所在城 庄頭村距城九里 李家溝 曹家崩 李家崩同九里 小

花甲 麥場上 劉家溝 武家山同五里 常家里 桑樹崩

曹家坪 張家山 周家塢 梁元則 上溝 蔚家壩

張家溝 呂家溝同百里 辛庄則 梨兒山 地靈山 杏樹溝

字家甲同十里 碾則壩一百一十里

馬家灣所在城 馬家灣距城一百一十里 雷家溝 故舍塢同百里 小壩塢

一百一 白草坪 解家溝 賀家塢 碾溝 郝林甲同十里 桃

寶塚 山嘴 同一百一十三里 郝家甲 一百一十五里 李家岩 岩窩溝 柴段

嘴 康家溝 山庄頭 新庄則 段家坪 狼尾崩 窩溝

關津 新舍窠 曹家溝 第八堡 子房頭 楊家塚 馬

安梁 元條堞 第二堡 新家塚 龐家庄 蔡家塚 靳

家崩 武家庄 賈家庄 同一百一十里 胡家庄 棗樹塢 同一百一十五里

中舍所 在城西北 中舍村 距城八十里 大喬家塚 鐵塚村 大喬家坪

穆家里 呂家嶺 赤峪坪 西喬家塚 同六十里 雷家塢 呼家

溝 小喬家坪 郝家溝 喬家山 賀家溝 呼家塚 小

喬家塚 劉家塚 楊家山 中苗家塢 同七十里 青蒿山 杜家

塚 同八十里 喬家山 八十里 石紅畔 王家庄 如意塚 槐塚村

郭家里 柏嶺上 桑園則 窩溝村 小庄頭 安家里

賀家畔 普連村 馬草凌 後峪村 苗家梁 黑鷄塚

百理上 染崩上同九里 張家嘴 下廟村 小元村 水道塚

水晏窄 裴家甲 薛家里同九里 張陽崩九里 槐樹塢

水礮溝 張家溝 張家崩 李圪老局 白家里 香草塢

團周坪 前家溝村 薛家塢 窩圪凹 龍尾圪凌 苗

家塢 住道佛院 磚塚村 薛家崩 薛家塚同百里 薛家坪

一百五里 戶崩上九里 大里上 後畔上 高家圪凹同一百里 崔家

塚 椿樹圪柵 黃里崩 寶珠山 賽集里同一百里 堡則城

高家灣 杜家圪凹 東家里 苗家塚 尅虎寨 西塚

村 姬家崩 開陽村 前進村 趙家山 蓮花池 薛家

塚 王家畔上 林庄下 高家塢 鴉塚村 靳家村 郭家

塚

同 一百二十里

天洪所

在城

天洪村

距城一百里

棗塚村

七十里

郭家塚

賀家畔

樓

則溝

李家塢

韓家山

同九里 郭家場

白道峪

岩窩上

曲峪鎮

蒿局則

寨溝村

大井頭

同 一百里

叢羅峪所

在城

叢羅峪鎮

距城九里

楊家坡

白里則

瓦窩場

上馮家塢

下馮家塢

同八里

頁里上

劉家山

中道塚

興

仁里

同八十五里

小劉家塚

南場上

同九里

北區七所

城庄所

在城

城庄

距城二十里

羊耳會

十五里

西會里

二十里

上城庄

三十里

鄭家灣

小馬坊

太平村

折家場

同二十里

後小馬坊

王

家灣

王家庄

同三十里

大居所在城北 大居村距城十五里 赤崖會 土門口同三十里 王家塢 上

塢里 薛家塢 後塢里同三十里 陽寨里 西川溝 前南峪

程家梁 安則峁同四十里 後南峪四十里 陳家塢三里 羊齒齒塢

碾塢里同四十里

廟坪所在城北 廟坪村距城十三里 桐村三十里 周家溝 郝峪塢同三十里

宋家圪台八里 赤博浪 天池溝 南庄村 曜頭村 白道

坪 蔡家溝同四十里 秦家坪四十里 中庄村 大庄村 故縣村

王家灣 楊家溝同四十里 圪凹村四十里 海則頭 齊則塢 羅

家里 南溝村同五十里 賀家坡五十里 土莪里 劉家灣 張家峁

郝家渠 郝家甲 木炭溝同五十里 白家灣五十里 爐則溝

徐家塢 白家圪塔 高家峁同六十里 楊家庄 劉家掌同六十里

唐家溝 賀家里 同七里

白文所 在城北 白文鎮 距城六十里 徐家溝 五十里 穆村峪 五十里 郝家坡

張家灣 五十里 郭家溝 穆家塢 小元則 喬家溝 郝家圪

凌 張朝村 袁家梁 同六里 李家灣 鐵爐溝 梁家灣 同六里

花半溝 七十里 桑園會 七十里 圜圖村 古道坡 同七里 陽坡村

塚舍溝 南坪上 化山溝 同八里 北坪上 八十里

寨山溝所 在城北 寨山溝 距城十五里 喬家垣 四十里 李家畔 分子甲

月圓場 明地局 水井則 塚頭村 舍窠崩 劉家塚 同四里

十五里 前溝 喬家溝 同五里 王家里 五十里 槐樹場 段韓村 王

家坪 小場上 修化村 雷家積 張陽會 朱家會 魚

兒塢 安則塚 同六里 賀家塚 圪旦上 崩則上 同七里

村底所 在城北 村底村 距城八里 梁家會 下白場 灣里 寺溝

青條山 同四里 靳家里 五十里 白家坪 房家坪 郝家坪 賀家

坪 同六里 薛家崩 六十里 泉則溝 張陽溝 同六十里 牛家坪 獨路

溝 郝家西村 郝家場 南溝村 對家塚 同七里 大坪塢

麥穗則溝 同七十里 後劉家場 土壑村 范家山 高家場

上李家塚 喬房溝 張家灣 趙家溝 陽畔上 南局

則 同八里 郝家庄 八十里 塔垣塢 田家里 薛家場 同九里 白家庄

小劉家溝 石窩坪 曹家塚 同一百里 西塚村 一百里 麻峪溝

水道塚 下李家塚 賀家塚 同一百二十里 椿樹塢 一百一十五里

松峪所 在城北 松峪村 距城二十五里 問家溝 二十里 神樹梁 二十五里 西溝 二十七里

靳家溝 南里上 寨崩上 同三十里 武家坪 三十里 唐家溝 南溝

村 侯家崖 杜家溝 同三十里 碾塢里 三十里 高家場 寨上村

曹家原 郭家溝 殷家溝 同四里 如虎里 四十五里 甘草溝 五十里

新舍窠 五十里

謹案縣境五區三十六所村庄約有一千二百若非調查戶口鮮不驚為繁庶之區故志內新增區所譜詳列村庄戶口總數以便閱者稽核總之縣境村落依山而居者為多百戶之村寥寥無幾又居民多以農為業但有可耕之地隨在營窟而居終歲勤勞僅免凍餒所謂地瘠民貧良不誣也

橋梁

城北板橋

東門外木橋 城內公行造 榆林溝門橋 陳家庄陳姓施 黃貝場橋 合村

公造距城五里 **萬安溝門橋** 上西坡吳姓施造並施石佛崖條地 **上西**

坡橋 合村公造距城十里 **陽日會橋** 合村公造距城十五里 **松峪溝門橋** 上西坡吳姓施造並

施松峪溝門康家崩地八畝年租穀一石陽日 **城庄橋** 合村公造距城

會村郭苗張高四姓輪流食租作為歲修之費 **白文鎮橋** 合鎮

二十里 **廟坪橋** 合村公造距城三十五里 **躍頭橋** 合村公造距城四十里

城南板橋

南門外橋 龜崩村人造城內公行攤費 **任家溝橋** 合村公造距城十里 **安業溝門橋** 安業

村造距城十五里 **下西坡村橋** 合村公造距城十五里 **青塘村橋** 合村公造距城二十里 **佛**

堂峪溝橋 合村公造距城三十五里 **胡公村橋** 合村公造距城四十五里 **三交東西二橋**

本鎮斗行造 **雙塏南北二橋** 北橋鄉約造南橋合村 **墊灰坪橋**

距城五十里 **薛家坪橋** 合村公造距城六十里 **義居寺橋** 寺僧經造

三里棗圪塔橋 距同任家坪公道造 薛家圪台橋 距合村公道造 橋頭橋

合村公道造 距七十里 光明橋 合村公道造 距七十里 林家坪橋 合村公道造 距八十里 高家

圪台橋 合村公道造 距八十二里 沙原橋 合村公道造 距八十五里 小寺橋 合村公道造 距八十二里 香爐寺

城八十里 高家坪橋 合村公道造 距八十八里 樊家溝橋 合村公道造 距九十二里 寨則山

橋 本寺僧人造 距城九十四里 侯台鎮橋 內動支距城九十五里 寨則山

橋 合村公道造 距城九十八里 積口鎮湫河橋 合村公道造 距城一百里

溝澗石橋

兔兒坂東西二橋 城西八十里 王家瞭水北來雷家磧水東映

月橋 城西南九十里 徐家塢所石佛山小壺溝道光五年劉松

峪村橋 城北二十五里 松峪村東西民舍中治有石溝築 太平橋

城西北二十五里 杜家溝村南 關王廟橋 城南二十里 李家關

各丈
餘

謹案孟子曰十一月徒杠成十二月輿梁成周之十一月即
舊歷之九月也縣境山澗小川無所謂輿梁而山高風烈九
月結冰徒杠之以時脩舉亦地勢使然湫川經流百餘里曲
折灣環到處皆有板橋以利行人所患者水潦不時往往有
朝設板而夕被冲沒者以視石橋之一勞永逸奚啻霄壤過
斯地者其亦念民力之維艱哉

津渡

黃河津渡

馬家壩渡

在第八堡南十里對葭縣大會坪

高家灣渡

在馬家壩南十五里對葭縣小會村

克虎

寨渡

在高家灣南五里對葭縣東城門

杏林庄渡

在克虎寨南二十里對浮屠峪

曲峪鎮渡

在杏林庄南二十里對葉子坪 **白道峪渡** 在曲峪鎮南十里對沙渠 **郭家場渡** 在白道峪南

家場 **堡則峪渡** 在郭家場南二里對 **嘴頭渡** 在堡則峪南二里對川口 **高家場渡**

在嘴頭南十里對 **索達干渡** 在高家場南十里對 **小園子渡** 在索達干

里對下 **橋子溝渡** 在小園子南五里對橫溝

謹案黃河渡口在臨界者大小十三處遇有警擾上憲飭將
小渡停舶祇留高家灣曲峪鎮郭家場三渡往來接濟船隻
挽泊東河岸無故不令西渡此防河之要著也

關隘道路

東北孔道 城北六十里白文鎮又東二十里陽坡村為東通嵐

縣道

東南孔道 城南二十里關王舖又三十里三交鎮又東二十里

鐘底舖又南二十里石門塢爲東通離石孔道

南山孔道 城南一百里磧口鎮東行十里曰樊家溝又東三十

里曰南溝鎮與離界牙錯又東三十里曰梁家岔

在招賢山之南

爲磧

口東通離石孔道

西南孔道 城南五十里三交鎮又西南五十里磧口鎮爲水陸

通衢沿河渡口往來必取道於此縣境河防必以磧口爲要點

東山隘道 城東北五里入榆林溝又東北五十里宋家溝又東

五里郝家岔又十里黃龍山脊入離石界又二十里方山堡又

北二十里馬坊鎮又東二十里爲臨屬山後所之溫家庄

城東二里入甘泉溝又二十五里永豐村又二十五里劉家溝

漢高山夾

東通離石圪洞鎮

城東南四十里神峪溝又東四十里跳豪塢雲山夾東通離石潘家坂

城南五十里三交鎮又東三十里車桿溝又東二十里牛家嶺

曹家山東通離石峪口鎮

西山隘道 城西北四十里清涼寺又西三十里雷家磧又二十里兔兒坂又西北四十五里第八堡抵黃河岸北通興縣西通陝西由兔兒坂正西四十里尅虎砦抵黃河岸西通陝西葭縣由清涼寺二十里石片頭又西三十五里曲峪鎮抵黃河岸西通陝西葭縣

城西南四十五里安家庄又四十五里叢羅峪又十五里郭家場抵黃河岸西通陝西葭縣

城南五十里三交鎮又西南四十五里侯台鎮又西二十五里

高家場抵黃河岸西通陝西葭縣

北山隘道 城北五十里故縣村又北三十里經唐家溝至興縣

墩塢 北至興縣
城七十里

謹案縣境萬山羅列舟車不通惟湫水入川出口之處以及
東南山之石門塢稱為孔道官商來往必出其塗至東西山
徑皆鳥道羊腸一夫當隘萬夫莫開如逢驚擾籌防較易設
險以守在當事者審慎出之

郵務

縣城郵櫃清光緒三十年設於南市場第一段第五十五號門
牌商號代辦兩日走信一次民國三年七月十八日奉令公文

亦由郵寄遞

三交郵櫃設於麻市巷第四段第三十七號門牌商號代辦

磧口郵櫃設於本鎮前街商號代辦

附集會譜

城鎮

集

會

治城

逢三五
九等日

四月十五至十七日 七月二十一
至二十三日 十月十五至十七日

三交鎮

逢六日

正月十六至十八日 三月初一至初三日
七月初一至初三日 九月初一至十八
日 十一月初一至初三日

磧口鎮

逢十五日

正月十三至十五日 七月十五
至十七日 十月十三至十五日

招賢鎮

逢八日

正月二十三至二十四日
八月十三至十四日

南溝鎮

逢九日

四月二十一
至二十五日

兔兒坂

逢十五日

二月二十至二十四日 四月初一
至初五日 九月初一至初五日

安家莊

逢四日

正月二十九至三十日
日七月初四至初五

叢蘿峪

逢七日

正月二十二
至二十三日

梁家會

逢六日

清涼寺

逢八日

白文鎮

逢四日

二月初四至初六日
四月十九至二十一
日七月二十四至二十九日
十月初四
至初九日

謹案疆域有志首城池終關隘凡域中之市鎮區所橋梁津

渡次第分列足徵常則休養有資變則防守可恃然而守城

莫先於守關守關莫急於扼要臨雖山河四塞若恃險而不

備則險等於夷矣縣西黃河為天塹秦趙相攻藺何以為秦

取漢置西河郡跨河為治鑿趙失也東漢西河徙離石絕匈

奴之內侵延及晉末雲中雁門以南盡為五部所攘奪離石

以西劉石慕容先後竊據百餘年亦恃其進可以戰退可以

守北魏孝文窮逐雜部開拓疆宇據赤嶺以稱霸勒石紀

績殘碑可徵

孝文碑在縣東山後所孝文山

後周始立縣邑西置克胡砦東

立烏突成長城遺址

縣北赤嶺北長城坪是也

至今猶存隋唐以來幾

經析改宋置晉寧軍於葭蘆砦仍仿西漢跨河爲郡之意而

以臨泉定胡隸焉金於縣置都統府元兵南下賜名大定以

爲平定夏國之先聲有明以來鞬鞞俺荅之入寇豹五平德


之陷城使當年防禦有備不令東渡何至清初餘黎僅遺數

千計至今二百餘年烽火不驚地無曠土民盡土著當此厝

火積薪之時宜急未雨徹桑之計覆轍昭然殷鑒不遠民國

以來陝匪屢次爭渡惟用設版焚舟之策得保無虞聚族於

斯者當悚然於地利可恃而亦不盡可恃也



臨縣志卷九

試署臨縣知事古黔胡宗虞監脩
山西大學校文科學長晉城郭象升審定

山川畧第二

禹貢州域以山川爲經緯後世作地志者祖之雖郡縣疆索亦必表以山川蓋地文地理即古來經野之大綱也臨在蘆芽山之南黃河之東蘆芽起於五寨其西榦歷崑嵐興縣而南至臨縣東北之合查山分爲二枝縣東赤嶺嶺黃雲山漢高山以及石門招賢並與離石接界之馬頭孟門諸山其東枝之中榦也縣西玉峰山鳳山北寨山臥虎山峰巒綿亘至磧口而止乃其西枝也兩山之間湫水中流發源於合查山之東麓西南流入縣境折南又折西

百七十餘里凡三曲東西山澗之水注之至磧口而入黃河就中東有黃雲之險西有大河之塹北枕紫金南抵孟門險塞天設無勞建置雖地少原隰而土維白壤山宜耕種川資灌溉故本志稽諸禹貢仿於水經以名山大水為綱凡城砦古蹟用兵險要以及水利礦產谿澗源流並分注於山水之下俾閱者一覽而知焉

山西之西故志序山川先西後東先右後左

山 礦產古蹟附見各山下

臨居

蘆芽山西枝自五寨縣起綿亘二百餘里至興縣之合查山分為二枝其在縣境東而轉南者為東枝之中幹在北而轉西者為西枝其中幹之與合查山南北相連者在縣東北八十里遞高三千餘丈盤踞八十餘里者曰赤嶺嶺

新通志赤嶺嶺北通岢嵐之洪谷隘南連離石之方山頂東抵
靜樂石峽西極臨縣紫金山山脊四通一嶺中阻汾源西南諸
山山此分枝自昔爲嵐石二州之界又云興嵐二縣之間與臨
縣界者曰赤嶺嶺即離石北山也爲蘆芽西枝之中幹舊通志
赤堅嶺在嵐縣南九十里遞高二十里盤踞八十里在臨縣東
北七十里以現里計之實得八十里元和志離石山今名赤嶺嶺在離石北
一百八十里離石水所導源也高歡大破爾朱兆即此處

合查山在興縣東南八十里高可二十里爲諸山之冠嵐翠插
天山頂有靈應侯祠禱雨輒應西南距縣城八十里此山全屬
興縣與臨縣分界其西南麓有陽坡村湫水由此東來入縣境
其合查山西枝迤邐綿亘於湫水之陽西行二十里曰玉峰山

玉峰山一名白雲山在縣北六十里山麓即白文鎮

自玉峰山西山巒綿亘少南五十里曰紫金山南距縣治四十二里爲臨縣鎮山其北大度山玉吉山高齊紫金與興縣分界

興縣志載

紫荆山即謂此三山疊峙蒼翠參天登山俯視羣峰羅列其枝脈分布於黃河之東湫水之西起伏盤踞百餘里形如指掌

紫金山舊建聖水殿左右壁間有風雨二穴風穴常封不敢啓雨穴遇旱祈禱手探得水珠即雨有時或得鈿石舊縣志聖水殿內塑浮濟大王像俗呼三石郎或曰石勒祠勒郎音近乃山石勒訛爲三石郎也又山側有石洞數孔建置年月無徵明末石賊往來恃爲巢穴時知縣杜毀之今巍然獨存者惟聖水祠山西麓之谿澗五西入黃河第八堡杏林庄曲峪鎮叢羅峪月

鏡川諸水是也東麓之谿澗四東入湫水曜頭太平松峪萬安諸溝水是也

其西最北一枝北界興縣綿亘西北行四十里曰地靈山北極第八堡溝南連杏林澗迤邐西行又三十里曰寶珠山又十里曰克虎砦

克虎砦宋時建原名克胡前清改爲尅虎東距縣城一百二十里黃河經其西山巔古寨形迹猶存周圍五六里與陝西葭蘆砦隔河對峙

詳古蹟

寶珠山在尅虎寨東南十里杏林庄北二十里東距縣城一百十里山有古廟三面皆橢圓形相傳有明珠三大如盃放光山巔故名

正西一枝綿亘西行二十五里曰圪蛋上北來杏林水南來曲峪水翼而西行又五十五里曰曲峪

曲峪東距縣治一百二十里黃河經其下山勢盤曲故名說文解字云山曲曰盤水曲曰厓即此義也

西南一枝綿亘西南行五十里曰廟塢正覺寺在焉右翼曲峪水左翼叢羅水夾而西南行又三十五里曰白道峪

白道峪東距縣治一百一十里西臨黃河

正覺寺詳古蹟

正南一枝綿亘南行五十里曰大石級西帶叢羅峪水東翼月鏡川水曲折南行又三十里曰連珠山又十里曰青龍山

連珠山在縣治西七十里五峯矗立形似連珠

青龍山在縣治南西八十里堡則峪在其西麓西臨黃河

其東南一枝東距湫川西跨月鏡川迤邐東南三十里曰大王山
又五里曰黃貝場又五里曰鳳山南北毗連曰龜山縣城倚爲形
勢兩山之間名牛澗穿城而東入湫水又南十五里曰三郎山三
十五里曰北寨山山勢至此西折綿亘五十里曰臥虎山其麓即
磧口鎮湫水至此入黃河

大王山在縣治北十里山頂高平蹲峙湫水之右上西坡在其
下山巔舊建浮濟大王行宮山下有石泉石上有馬蹄跡相傳
爲石勒飲馬泉

黃貝場在縣治北五里石崖十數丈上有飛泉流注湫水

鳳山縣城西北倚之山巔築文塔清光緒十年知縣胡鑑斗創
建

龜山一名長壽山縣城西南倚之上建玄天閣

三郎山在縣治南十五里上有石勒廟相傳石勒觀兵於此後人祀之因名焉山下即下西坡村

北寨山在縣治南五十里古關寨之三交寨即此與南山對峙

寨上有土洞深約二里許相傳明末鎮人避亂時所鑿也詳古蹟

山下即三交鎮

臥虎山一名黑龍塢在縣治南一百里山下即磧口鎮

右縣覽湫川之右西濱黃河諸山

其在湫水之陰東連赤嶺嶺南北與合查山對峙相隔里許南距縣治八十里曰兩角山

按此山石骨嶙峋勢若賁角與合查山對峙其麓為臨東北與

興嵐交通之關隘長城坪在其東北二十里

兩角山之南東連赤嶺嶺與離石分界南西距縣治七十里曰大

小連枝山

連枝山南北綿亘二十餘里至墊地灣西麓有澗名喬子川西

流四十里至城庄村注湫水

連枝山之南東與離石分界西南距縣治五十里曰黃龍山山之

西麓有澗西流四十里名榆林溝西注湫水舊通志誤黃龍為黃

林水為湫水

黃龍山之南東十里輿離石分界距縣治四十里曰中脚山

中脚山出炭礦質欠佳由明及清土人開採雖時被水闕至今

尚有數井舊志明嘉靖萬歷間知縣張堞常時芳相繼開浚有

臨縣志 卷一
碑記今闕山麓有澗西流入湫水名安業溝水

中脚山之南東麓與離石分界西距縣治五十里曰漢高山

漢高山突兀孤聳爲縣東最高峯山下有澗西流名大峪溝西注湫水史記韓王信列傳高帝七年信亡走匈奴匈奴使左右賢王將萬餘騎與漢兵戰漢大破之追至離石匈奴復聚兵樓煩西北漢令車騎擊破匈奴一說高祖征陳豨嘗過此後人立廟祀之今山上有高帝廟遺址下有祠曰仙姑祠相傳高祖避暑此山宮嬪相從未還後人祠之清嘉慶年間大禹村人秦光清建龍王廟於山巔禱雨輒應

謹案漢高山東麓之劉家溝尙屬臨縣雲山所又東五里桑家會方與離石分界是漢高純是臨縣之山新離石志云漢

高山在離治北一百一十里亦不云是否轄地汾州志云漢

高山距縣治五十里指臨縣言山與永寧接界南至州治一

百一十里是臨離劃界處離志不察將漢高列於境內誤矣

在漢高山之西與中脚山連脈北距城十里有懸崖壁立高十餘

丈崖中有佛字俗呼白駒崖湫水經其下山頂建文塔曰東嶽山

文塔石砌高十餘丈為層七級清乾隆二年庠生白文先創建

進士趙中元銘之

其辭云地靈之聚王氣之揚儲精毓秀相得益彰邑之東南是為巽方厥象文明萬丈光

芒山迴水折鬱勃騰昂勝觀在宇日朗神爽何以表之建塔允臧傳謙百年築室道旁歲在丁巳浮圖忽起為層七級龍驤鳳舉文

筆參天池為湫水川媚山輝厥光斯偉自北自南相望百里僉曰佳故不可無紀紀水泱泱惟山蒼蒼惟石琅琅惟塔煌煌一邑之

望四方之光從此發祥奕禩無疆白子邑序文完全章實造斯功鑄石留芳

白佛崖懸崖百尺上有

佛字縱橫三尺似聖書然

舊志云古無佛字舊說佛音彌為佛胎之佛謂古無佛時已生此崖清

光緒十一年都督村人李澤長建觀音祠於懸崖佛字下有人

題聯云

石化何年久同天地
佛靈無量妙證古今

東嶽山之東漢高山之西距縣治三十五里曰雲山

山上有寺建於金大定二年牒賜慈雲刻石以志其碑光澤異

常相傳為臨景物山麓洞名小峪有澗水西南流至府底村注

湫水

自漢高山迤邐而南東與離石分界距縣治八十里曰曹家山

山之西南五里名韓家山產石炭質甚佳多年開採

在曹家山之南少西南與離石分界距縣治八十里曰霍家嶺

嶺東五里曰石門塢為東通離石孔道明隆慶元年俺荅兵入

石州即由此處山下出石炭有澗西北流會南溝水至三交南

山東麓注湫水

與霍家嶺相連西北距縣治五十里屏峙於三交鎮之南曰南山
舊志載北魏孝文帝過此見有異氣鑿斷來脈建廟壓之時荆
棘罽衣怒折其刺至今此山荆棘獨無勾云詳古蹟湫水由北來
至此折而西流

自南山而南山巔與離石分界北距縣治八十里曰馬頭山曰招
賢山

馬頭山在縣境正南山南與離石分界相傳山下有鉛礦

招賢山產石炭鐵礦磁料相連火山樊包頭山五六里間土人
造磁冶鐵所出磁鐵器皿供本土用外由磧口販運於陝西沿

河諸縣

畧數載
物產譜

山下有水西北流注湫水

招賢山之西少南東南與離石分界北距縣治一百里曰寨則山
山有古寨形勢雄峙相傳即古之大同鎮元明前屬定胡大同
之名書志無徵以地望準之或是古平周故址漢志釋略云平
周在臨縣西地此其近是 致詳沿革
寨則山之西東南與離石分界西濱黃河北臨湫水為縣東山脊
之尾岡曰李家山磧口鎮在其北麓

謹案縣境四面皆山湫水中流自東北而西南夾水入河其
川口不過里許名曰磧口實為臨縣之門戶磧口古無鎮市
之名自清乾隆年間河水氾溢衝沒縣川南區之侯台鎮並
黃河東岸之曲峪鎮兩鎮商民漸移居積於磧口至道光初
元商務發達遂稱水陸小埠地在湫水入河之西北岸四至

純是臨地未稔何時鎮市之中有離石轄地本年部議更正
各縣插花誠屬當務之急將來經界既正邊幅整齊行政上
有莫大之便利焉

右縣境湫水之左東與離石分界諸山

川 水利古蹟附
見各水下

黃河自平魯縣西北緣胡山折而南流逕偏關河曲保德三縣過
天橋峽至興縣西大峪口南十里石灰溝入縣界經紅石灘二十
里至萬佛洞又東南流十里逕第八堡 在縣治西北一百二十五里 紫金山北

麓之水自左注之 俗名第八堡河出於紫金山西北麓水磨川西流
逕沈家坡又西逕土岔椿樹馬又西逕白家庄又

西逕曹家墩又西逕田家里又西至第八堡入黃河沿溝灌漑溝
灣地數十畝第八堡南十五里有馬家墩對陝西葭縣大會坪 又

南流三十里逕克虎砦 在縣西北一百二十里詳古蹟考砦迤南
二十五里有蓮花池其形如甕滿而不溢汲

而不澗中有堅物非木非石
可搖而不可拔亦奇跡也
西對陝西葭縣城即古之葭蘆砦又

南東流二十五里逕杏林庄
在縣西一百二十里
紫金山西麓流泉溝水自

左注之
俗名杏林庄河發源於王家壠西南流二十里雷家磧水東來會於鬼兒坂鎮有石橋二座又西流二十里逕西溝槐樹

場又二十五里至杏林庄入黃河
名馬軍磧與葭縣之崧口村相對
又南流二十里逕曲峪鎮
在縣西一百里

紫金山西南麓西郭家溝水自左注之
俗名曲峪河發源於西郭家溝見伏無常至張陽會見而

不伏西南逕石白頭李家溝棗廠賀家畔至
曲峪鎮入黃河有渡口與葭縣葉則坪相對
又南流十里逕白道峪

有渡口與葭縣對
又十里逕天洪村
有渡口與葭縣荷葉坪對
又東南十里逕樓則溝

翻人波磧在焉此磧最險故名又南十里逕郭家場
有渡口對葭縣王家塔

又南十里逕叢羅峪
在縣西一百里
青涼水自左注之
青涼水發源於紫金山南麓之白塔村西

流逕青涼寺穆家坪至前後曹峪村小場溝水東來會之小場之南
正覺寺在焉栢樹葱鬱為邑勝境又逕西干草嘴井道坡南陽村至

青龍山北
入黃河
又東南十里逕堡則峪
有渡口與陝西葭縣對
又十里逕塞上

村又十里逕嘴頭村

石壁有摩崖佛像距地數尺高三尺許 又二

十里逕高家場

有渡口對吳堡縣岔上

又十里逕琉璃畔

在縣治西一百里

月鏡川

水自左注之

俗名孝才河發源於縣西十五里埋頭庄西南流經前後月鏡武家灣微灌園圃又經安家庄各地峪白家坂

至琉璃畔入黃河

又十里逕索達干

東依干仞石壁西臨黃河車不方軌為近磧口之隘道道旁石壁距地丈餘有

石印方三尺許高出數寸中似有印文

至臥虎山下湫川東來入焉為大同磧名曰

磧口

按磧口之名已古而磧口鎮之名則自清乾嘉間始著咸豐

初移汾州府通判駐焉又設釐稅局光緒三十三年移置通

判於東勝廳復設臨縣巡檢民國裁巡檢設縣佐並設權運

局釐稅局仍舊同治丁卯陝北回亂團練防堵

詳兵志事

至今河

防之設必以磧口為駐紮軍隊之重鎮因黃河逕縣境二百

餘里沿岸石壁巖巖軍行無路間有山徑皆羊腸小道惟磧

口為臨之門戶有事必爭其形勝可按圖而索也

又南五里左逕李家山又南十里曰小園則此處有渡對吳堡縣下山畔又南

五里曰橋子溝有渡與吳堡縣橫溝對又南入離石界

右黃河流域東經縣境並澗水之西注者詳焉

湫水出興縣東南八十里合查山麓由長城坪西南流入縣境即

水經注之陵水也水經注河水又南陵水注之水出陵川北谿南逕川西轉入河是湫水南流經縣城東為左右

泉溯所趨古所謂陵川也五朝志云太和縣有湫水北周烏突縣隋開皇中改曰太和則湫水之名蓋起於隋矣文獻通攷臨泉縣有臨

泉水亦謂此元人又呼為吃那河元地理志黃河正南過保德州葭州及興縣境又南過臨州與吃那河合是也南流東

逕赤嶺嶺西麓又西流逕合查山南兩角山北右逕陽坡村距縣八

里在合查山西南麓溉田數頃西流五里牛圈溝水自右注之又西五里右

逕桑園會梁家灣又西五里右逕李家灣左逕鐵爐溝均溉田園

數頃又五里右逕白文鎮南距縣治六十里溉田數頃又西五里右

逕張家灣穆村峪左逕郝家坡有泉出井溝湧出注之此水前在郝家坡村

北今伏又從村南井溝發出甚汪又西南五里右經故城東故城遺址在今縣治北五十里湫水之西

南距烏突戍十五里唐改太和曰臨故縣溝水注之水出於興縣泉移置縣城於此今所稱故縣是也

南流里許入縣境逕唐家溝又五里逕楊家庄又五里逕蘆則溝又

五里逕海子頭有澗水西來會焉又十里至故縣村南流至曜頭村

溉田數頃東注湫水湫水至此折而南流又五里左逕小王家灣秦家坪徐

家溝右逕曜頭村村南有澗水注之水出紫金山東北麓逕如虎里赤卜羅宋家圪臺又五里至曜頭村又南五里右逕廟坪村左逕黑

頭村沿溝灌田一二頃東注湫水又南五里右逕桐村左逕王家灣後村

峪場鳥突戍故城西詳古蹟並沿革又南五里右逕太平村溝水西來注之水出紫金山東麓

有泉水灌田數畝又南五里右逕太平村溝水西來注之水出紫金山東麓

流水汶五里至甘草溝伏地中又東十五里至侯家崖復見村南石壁高數丈相傳古時山崩現出牌樓形高三丈餘檐楹俱備皆石鏤桃形砌成中龕有石佛像土人奉之又五里逕王家莊又五里逕太平村均溉田數十畝東入湫水 左逕小馬坊村

有泉水溉田數頃西入湫水 又南五里右逕西會村左逕城庄村灌田數頃橋

子溝水由村南注之 俗名城庄河發源連枝山西麓逕大小水溝劉家村西南流又五里新舍窠又五里沙坡

底又二里郝家灣又五里牧州會又五里曹家林又五里石盤頭又五里成家場在三里陽寨里又五里大居村又五里赤崖會又五里

鄭家灣又五里城庄沿溝逕過 又南五里右逕陽日會松峪溝水各村灌溉蔬圃甚多西入湫水

自村北注之 水發源紫金山之東麓曹家原高家溝南流五里逕斬家溝又五里松峪村灌田數十畝西溝水來會又

五里逕問家溝又五里出溝陽 左逕東白村澗水東來注之又南日會村灌田數頃東入湫水

五里右逕上西坡村南萬安溝水西來注之 萬安溝水發源紫金山南麓之唐家溝南

流五里逕殷家溝又五里杜家溝又五里東流逕化林村 又左逕五里逕陳家庄又二里萬安里沿溝灌溉蔬圃東入湫水

萬安坪李家溝水東來注之又南五里右逕黃貝場左逕榆林村

有紙房數處
用水造紙
溝水注之水發源於黃雲山麓黑家岔西流五里宋家

里前後長樂又五里木瓜坪又五里康家灣又五里前後大黃又五
里庄則上又五里張家溝馬家庄王家坪並灌溉東關坪田地數頃

西入又南五里縣治在焉北關麻峪溝水自右注之
湫水水出瀑水泉

城北麻峪溝
流入湫水
城西牛澗溝水由水西門入水東門出注湫水又南

五里右逕南場村左逕史家灘甘泉溝水自東北引流灌田數頃

入湫水水出城東十里後甘泉村逕前甘泉灌
溉蔬圃龜塌同史家灘分灌灘地數頃
又南五里右逕任

家溝村善圈溝水西來注之水出孫家圪台東
左逕東嶽山山上有文

塔下有佛
字詳山志
都督溝水來會後由山北麓注之都督村有明張
又南

五里右逕下西坡村有元州牧李思温
左逕安業村安業溝水自

村北注之水發源於中脚山西流五里逕張家塢又五里李家圪塋
官道溝又北流十里至牛家崩又五里逕楊家圪塋南東

有水來會又五里孫家圪塋漢高山北麓之水北西流逕長塢畔十
里至陽泉圪塔又五里東南澗水來會又十里永豐村東北山劉家

庄水西流逕崖窰上李家庄棗林則二十餘里來會焉又西五里辛家塌又西五里常家坪又西五里玉聘村玉薦溝水南來會之又西五里李家塌蘇蔚家灣又西五里李家坡底又五里石唐會又五里白家庄又五里安業村北頭入湫水 又南五里左

逕東溝村蕭寺西詳古蹟 又五里右逕青塘村丁家溝水東流十餘

里至青塘後庄南流注之灌溉水田數頃左逕李家庄又南五里

右逕善慶峪溝水西來注之左逕大峪溝漢高山水東來注之俗名

大峪溝源發於漢高山麓經漢高村五里棗窰里又五里王家坡又五里五舍坪又五里崖頭又五里大禹村又五里杜家溝秦家圪塔賈家

溝王家坪又五里前後劉家庄又五里大峪溝村灌溉疏圍數頃入湫水 又南五里右逕西溝村石梯

溝水西來注之水出於石梯溝東流十五里逕賀家 左逕岐道村

小峪溝水東來經太和故城詳古蹟 注之小峪水發源於雲山寺洞

家溝底前後小峪石匣里劉家圪塔至府底村入湫水 又南五里右逕火燎坡村左逕佛堂

峪村溝水注之水發源於風子甲西流二十里經大後溝中 又南

土則張家圪塔圪台上至佛堂峪西入湫水

五里左逕神峪場又南五里右逕胡公村溝水注之水出於杜家

里經泉王村至左逕呂家陵劉王溝水由村南注之劉王溝有劉淵廟詳古蹟

水發源於溝西流十又南十里右逕三交鎮左逕南山麓南溝

里經杜家里入湫水水東來注之水出於東山黃家溝北流十里經張家庄至湫水頭

來會之又五里車杆溝水北經堯則坡至桃塌來會又東流十湫

五里經鐘底崔家坪前後陡川至三交南山下西北流入湫水水至此折而西流又西南五里右逕雙塔村左逕武家溝溝水注

之水發源於王家溝西流經孫又西南五里右逕薛家坪其南五里曰黑

龍溝內有石壁寬平五六丈上有古左逕任家坪又西南五里右

栢影枝葉扶疎宛然如生亦奇迹也逕棗圪塔左逕中庄又西南五里右逕薛家圪台又西南五里左

逕郝家場晉中書令趙明靈又西南三里右逕橋頭村又西南三

公廟在此詳古蹟里左逕光明村又南五里逕東西林家坪招賢溝水東北來注之

水發源於招賢山麓北流經普照寺底西流二十里入湫水 又西南二里左逕前後高家圪台

沙溝水東北來注之水出白家崩底西流十餘里入湫水 又西三里右逕沙源村又

西南三里左逕高家坪又西南二里右逕馮家會又南二里左逕

樊家溝大南溝水東北來注之水出於離境岳山坪西南流三十餘里至縣南樊家溝入湫水 又

西南三里右逕侯台鎮左逕高家庄又南三里左逕寨則山即古鎮有廢塞遺址詳山志

右西二里右逕臥虎山麓之磧口鎮左逕河南坪西

入黃河

右湫水源流暨逕過村庄並左右山澗諸水古蹟附見焉

謹案臨縣全境廣袤各一百八十里萬山叢簇絕少平原是

以賦則並無水田名目約畧統計湫川左右以及山澗溝灣

得占水利者不及百頃以合縣田額比較不及千分之一此

限於地勢無可如何者也雖湫水流域由東北而西南貫輸全境自白文至三交百餘里之間闊處不過二里三交以南寬止里許甚有僅容河身之處而川流湍急衝刷靡常縱有築隄起壩近河牀開灘地者一旦河伯肆虐則付之橫流不能恃爲恒產也尤可慮者湫水東西遷改無常灘地盈縮新故地主往往起訴相爭難於裁判然苟查其糧石數目收開年月是否相符勘其地點四至姓名都甲是否相連或亦平爭之道歟

陽
明
學
說
卷
之
一

補遺

遊龜山記 趙無玷

奇山異水為天下形勝足以稱盛之故大畧相同而其光
 叢爾或可百餘區其所以稱盛之故大畧相同而其光
 瑰出人意表不得以相似之形攬而一之者此字宙之
 縣治之西有山約三里許屏矗壙回奇石外聳嶄然屹
 可徑攀牛澗曲流出乎北望蔚然而深秀詢之然若
 長壽告稽之縣乘厥名曰龜噫茲山也而二名且詢其
 大龜之外脊肉上應二南曰龜噫茲山也而二名且詢其
 計山之得是名也意在斯乎而亦安知其非離石之久保
 之仰者乎余歲以茲辰布然顧此土侶緣而登其嶺未嘗
 遊之而未嘗樂於茲辰布然顧此土侶緣而登其嶺未嘗
 焉或曰此行數里真有若布然顧此土侶緣而登其嶺未嘗
 悉破而名之石罅生大松可蔭數人前出平廣可布席
 恒躑躅其間坐而久之泉聲潺湲松風四起肅布振巖
 隍之中美不勝述而皆為是山所潤余與客相顧而樂
 暮半陰仰視溶雲歸鳥尋巢交鳴其巔余低徊久之不
 且援筆而銘其旁其詞曰山為屏障澹澹可耕田為池
 山嶺笠影而輕圓倚西山為屏障澹澹可耕田為池

臨縣志 卷九 崑山川

連雲之高嶺下有衝波逆折之巨川
嗟乎此山之長在兮巋然高峙萬斯年

臨縣志卷十

試署臨縣知事古黔胡宗虞監脩
山西大學校文科學長晉城郭象升審定

財賦畧第三

歷代取民之制大端不越田丁兩賦此外稅課名色雖多而爲數甚微故凡志皆以田賦統之改革以來中央特設財政部又設審計院頒發出入計算書分國家地方認真綜覈今志若仍以田賦定名漏闕多矣故易爲財賦意取賅括志國家財政則先叙地丁沿革次及今制俾閱者審革以知因至稅捐各款屬國家特定者即志於地丁之後屬地方附加者省與縣分別詳列因時通變欲使名實相符也

國家財政

田賦 原額地三千一百七十五頃八十九畝六分共徵銀一萬

七千七十九兩六錢六分二釐

民田地畝折色各徵如額

原額官田共地二千七百一十九畝九分八釐共徵糧一萬二

千一百四石二斗六升六合八勺共折色銀一萬一千六百九

十九兩一錢三分二釐三毫地畝九釐銀二千四百四十七兩

七錢八分三釐八毫驛站銀五百五十五兩四錢八分一毫三

項共銀一萬四千七百二兩三錢九分六釐二毫有奇內上等

官地五十一頃四十五畝九分每畝徵糧一斗六升四合八勺

每石折銀九錢六分六釐五毫二絲九忽六微有奇地畝每畝

徵銀九釐驛站每石派銀四分五釐八毫九絲有奇上坎等水

地四十一頃四十三畝八分每畝徵糧一斗二升三合六勺中
等平地八十頃七十七畝八分每畝徵糧八升二合四勺中次
等坡沙鹹地一百三十五頃一十八畝二分七釐四毫三絲每
畝徵糧八升三勺三抄下等山崗地二千四百一十九頃十畝
二分五毫一絲每畝徵糧三升七合三勺上次等水地以下四
等每石折銀及地畝驛站俱與上等官地同 歷年開墾民田
並首墾額外民田共地四百四十六頃一十二畝二分二釐共
徵糧二千四百一十四石五斗二升八合六勺各徵不等共折
色銀二千二百七十五兩二錢八分六毫有奇 康熙十六年
清出隱漏額外民田共地一十頃一畝四分共徵糧四十二石
三斗一升七合三勺各徵不等共折色銀五十一兩八錢五分

五釐五毫五絲一忽 民田地畝加增豐贍庫夏秋糧九升三合三勺共徵折色並馬草銀七分九釐四毫九絲二忽又加增絲絹銀五十兩五分

謹案縣治峯巒疊峙山田居多平地不地百分之一故田難以頃畝計農家但以牛力爲率自晨至午爲一晌或從土作塊數塊之田不能當川原一畝之入縣境內山地東區多以三畝爲一塊西區四畝爲一塊民間地契有每塊納糧僅一升或數合不等今志所稱頃畝糧額係按報銷冊舊數計算

丁徭 原額行差人三千七百六十二丁共徵均徭並辦本色顏料加增銀三千八百七十三兩五錢六分四釐

清初順治五年編審實行差人三千六百二十二丁該均徭銀

三千六百二十二兩六分六釐一毫一絲零又加增胖衣銀五十四兩共銀三千六百七十六兩六分六釐一毫一絲零八年二月奉旨蠲免傷亡人二百四十七丁該徭銀三十三兩三錢十四年編審復額如前康熙元年知縣張樹屏編審實在共人三千二百五十八丁內除紳衿優免本身三十丁外實行差人三千二百二十八丁該均徭銀三千六百七十六兩六分六釐一毫一絲零辦買本色顏料加增銀二十三兩六錢八分六釐五毫八絲零共銀三千六百九十九兩七錢五分六毫九絲零十一年知縣常來譽編審增出銀三十六兩四錢二分五釐一毫一絲零十六年知縣莊措編審增出銀一兩九錢六分三毫四絲零二十一年知縣莊措編審增出銀七兩八錢五釐四毫

二十五年知縣莫友仁編審增出銀一十三兩六錢五分九釐五十五年三月欽奉恩詔聖世滋生永不加賦是年知縣楊飛熊編審定上上則無上中則無上下則五丁每丁徵銀四兩五錢五分三釐一毫五絲中上則二十七丁每丁徵銀三兩九錢二釐七毫中中則六十九丁每丁徵銀三兩二錢五分二釐二毫中下則一百三十九丁每丁徵銀二兩六錢一釐八毫下上則二百四十六丁每丁徵銀一兩九錢五分一釐三毫五絲下中則六百四十八丁每丁徵銀一兩三錢九毫下下則二千三百六十五丁每丁徵銀六錢五分四毫五絲照以上例定上中下數目合計共徵均徭銀三千七百七十兩六錢五分八釐六毫五絲合舊順治二年清出新編土著人下下則一百六十三

丁徵銀一百二兩九錢零共實行差人額及共徵均徭并辦買本色顏料加增銀額如上乾隆二十三年於永除丁徭重困案內歸併地糧征收 此外匠價銀三十五兩一錢

以上地丁及匠價共實徵銀二萬九百八十八兩三錢二分六釐此係額徵之數其額解之數分別列之如下

地丁及匠價銀一萬六千四百三十一兩五錢九分五釐

度支部料價銀七兩七錢八分九釐

黃絲木料銀一十二兩三錢九分五釐

農桑絲絹銀二十兩二錢九分二釐

黃蠟折價銀四錢二分八釐

驛站抵解銀五百五十五兩四錢八分

額編兵餉銀三千九百六十兩三錢四分七釐

改徵 民國三年下忙奉部令照原額每兩改徵大洋二元合計
四萬一千九百七十六元六角五分二釐

內匠價銀三十五兩一錢應徵洋七十元二角短額銀三十三
兩九錢七分六釐應徵洋六十七元九角五分二釐兩項向無
着落常年由徵收費項下墊解

外徵 徵收費酒課商稅賠款等項共大洋六千三百九十七元
七角七分五釐

徵收費每地丁銀一兩隨徵大洋一角除匠價及短額不徵外
通年實徵大洋二千九十一元九角二分五釐

酒課通年實徵大洋一十元

商稅通年實徵大洋一百一十二元民國五年春知事胡宗虞因與落地商稅重複呈請豁免蒙批准由落地商稅項下撥移抵解

賠款

即畝捐

民國四年奉文每地丁一兩帶徵賠還洋款大洋二

角除匠價及短額不徵外實徵大洋四千一百八十三元八角

五分以三年爲限限滿停徵

參看省地方稅畝捐項下

留支 民國三年奉部令額定縣署及監獄每月由地丁項下留

支大洋六百六十五元

縣公署知事月俸定額大洋二百四十元各員役薪水工資每

月額定大洋二百四十元各項辦公費每月額定大洋一百二

十元

以上三項共洋六百元

監獄管獄員月俸定額大洋二十元醫士技士及各書役薪水
工資每月額定大洋二十元各項辦公費每月額定大洋一十
三元獄囚衣糧每月額定大洋一十二元以上四項共洋六十五元
綜核滿年上下兩忙共額徵外徵大洋四萬八千三百七十四
元四角二分七釐內除徵收費一千九百五十三元七角七分
三釐並縣署及監獄滿年留支六千九百八十元外共實解大
洋三萬九千四百四十元六角五分四釐

雜稅

契約稅田房契約稅年無定額每絕契價一千納稅錢六十文
稅錢價稅錢一千二百作大洋一元銀價稅銀以六錢七分六
釐八毫作大洋一元洋價並無折扣典契半之

印花稅民國三年創辦無定額本年奉部令定月徵八十元通
年共徵大洋九百六十元

集牙稅原設集牙十二名領中帖者二年各納稅五元領下帖
者十年各納稅三元通年額徵大洋四十元

官中稅民國四年創辦產牙原額中則帖三張現擬遵章改爲
官中額下則帖四張年各納稅三十元通年共徵大洋一百二
十元

煙酒牌照稅民國三年創辦分甲乙丙丁四等甲等四十元乙
等十六元丙等八元丁等四元每年分二期交納

當稅民國四年奉部令每當店年納洋五十元縣境當店二通
年納大洋一百元

屠宰稅民國四年創辦原定羊一隻納稅二角豬三角牛一元
六年春奉令羊豬各加徵一角牛倍前額准舖戶包收通年共
徵大洋七百元

以上七項由縣署分別徵解

畜稅原歸縣署徵解按價值百抽三民國四年歸徵收局經徵
通年比較一萬元上下

酒稅清光緒二十二年奉文創辦以四萬五千觔爲率每觔抽
錢稅五文至二十九年每觔加抽錢十一文通計每觔抽錢十
六文

落地商稅按值抽收年無定額

煤釐稅清光緒二十五年奉文創辦按馱抽收每騾馬馱抽錢

一十五文每驢馱抽錢八文縣內變通辦理由窰戶包收按月
交納斗捐清光緒二十七年奉文創辦每斗抽錢四文名曰原
抽別以續抽以一半解省

以上五項均歸徵收局徵解

按各項雜稅除畜稅酒稅落地稅煤釐斗捐等項歸徵收局
經辦外其餘各款收入或由署內派員自辦或准舖戶包收
均按年如數解交財政廳

地方財政

畝捐清光緒二十六年拳匪肇亂議定賠款二百五十兆自二
十八年起每地丁一兩帶徵賠款銀一錢五分除短額不徵外
通年共徵銀三千一百三十七兩八錢八分七釐以五年爲限

限滿停止三十二年晉人籌款贖礦將畝捐撥歸保晉公司民國四年奉令改爲每地丁一兩帶徵銀元二角全年額徵大洋四千一百八十三元八角五分

斗捐清光緒二十七年創辦宣統元年奉令於原有斗捐外每斗又抽二文名曰續抽以別加抽作爲同蒲鐵路保息款現歸徵收局辦理

以上省地方稅

菸捐清光緒三十二年縣屬三交鎮菸商稟明縣署自行攤派每年交制錢二百五十六千

戲捐清光緒三十年每臺定捐制錢一千六百園主及社內分擔經由社首交納民國二年又加制錢四百作爲學校經費民

國五年知事胡宗虞因警款不敷過鉅通詳批准加收戲捐每臺又加制錢四百通年共收制錢一千九百千之譜

蘇捐清宣統二年知縣李兆麟詳准抽收買賣主每觔各出制錢一文通年約收制錢七百餘千作爲自治的款民國四年春知事俞受彤因勸設農校並農桑分局詳准買賣主照原有蘇捐每觔加捐制錢各一文以四成作爲農校經費以六成作爲農桑分局經費通年約收制錢一千五百千之譜

斗捐清光緒二十七年奉文創辦每斗抽錢四文以一半解上一半留作地方巡警經費旋又奉文每斗抽錢二文名爲加抽全數歸地方巡警的款民國四年奉令歸徵收局經徵每月咨交大洋五十元通年計交大洋六百元民國五年一月知事胡

宗虞因警款不敷過鉅通詳批准每斗又加抽錢二文名爲附加由徵收局代抽通年加抽制錢七百千作爲巡警的款

地丁帶徵民國四年奉財政廳令抽收每地丁一兩帶徵制錢一百文通年共收制錢二千九十一千之譜作爲巡警經費

鋪房賃捐民國五年三月知事胡宗虞因警款不敷通詳批准每鋪賃錢一千抽錢五十文通年約抽制錢五百千之譜

畜牙捐民國二年九月因勸設宣講所無款經臨時縣議會議決咨請知事李光鼎詳准抽收凡騾馬一匹買賣主各抽官牙錢二百牛驢一頭各抽錢一百文六年十月復因設勸學所無款由學務委員會議定按七成支配以二成作宣講所經費以五成作勸學所經費年無定額

以上縣地方稅

謹案量入爲出國用之常經國家地方之所入無非出於民間惟民間所出正雜各有專司民間所入贏絀無人顧問遠者已不可徵前清丁歸於賦守永不加徵之例臨縣年額銀二萬九百八十兩零其餘雜稅不過三千金及清末造新政繁興學警自治關於地方者約需錢三千串其出於民者雖不免中飽陋規約畧統計要不出四萬元之譜民國以來財政設有專部國家歲入正項如田賦如賠款雜項如契約如印花如牙帖如官中如牌照如當稅如屠宰有定之款仍歸縣署徵解年約五萬元有奇如畜稅如酒稅如商稅如煤釐如斗捐無定之款歸徵收局經徵年約二萬元上下地方稅

捐瑣屑更甚由省支出者礦政路政年約六千元上下由縣
支出者學警農桑自治宣講勸學各款年約一萬千之譜內
外統計收入之數加倍前清無非小民所負擔而荒田不闢
實業未興民間之所入有減無增所幸當道關心民瘼特設
六政考核處應興之利提倡不遺餘力應除之害懲罰無稍
寬假不數年後農桑之利普及煙賭之害廓清藏富於民則
財恒足又何政煩賦重之足虞哉

臨縣志卷十一

試署臨縣知事古黔胡宗虞監脩
山西大學校文科學長晉城郭象升審定

教育畧第四

傳曰古之教者家有塾黨有庠術有序國有學三代盛時上自公卿大夫之適子下及平民之俊秀無一不納諸學校之中漢唐以降此制猶存州縣設學置官立師而又修明祠祭之典追加褒贈之榮歷代詛辟重道崇儒法至良意至美已臨縣在宋金以前學制邈無可紀逮元迄明變置屢經始有原委之足溯有清季年厲行教育改書院立學堂民國遞嬗復加損益然名易而實自在所謂天不變道亦不變也今特探廟學制度暨祀孔典禮並關於教

育各機關輯為教育畧而以學校表附之化民成俗之道其在斯乎成人有德小子有造是所望於後起之英

廟學制度

大成殿中奉

至聖先師孔子神位

木主制高二尺三寸七分闊四寸厚七寸四分

長七寸厚三寸四分朱底金書

東以

復聖顏子

名回字子淵春秋魯人

述聖孔子

名伋字子

思伯配西以

宗聖曾子

名參字子輿春秋魯南武城人

亞聖孟子

名軻字子作子

與戰國配四配木主制高一尺五寸闊三寸二分厚五分鄒人配分座高四寸長六寸厚二寸八分赤底墨書

次以先賢

閔

子名損字子騫春秋魯人

冉子名雍字仲弓春秋魯人

端木子

名賜字子貢春秋魯人

仲

子名由字子路一字季路春秋魯卞邑人

卜子名商字子夏春秋衛人

有子

名若字子有春秋魯人

列東序以

冉子

名耕字伯牛春秋魯人

宰子

名予字子我春秋魯人

冉子

名求字子

有春秋魯人

言子

名偃字子游春秋吳人

顓孫子

名師字子張春秋陳人

朱子

名熹字子

晦宋婺
源人
列西序
兩序木主制高一尺四寸闊二寸六分厚五
分座高二寸六分長四寸厚二寸赤底墨書

以先賢
公孫橋
秋字子產春
鄭大夫
林放
秋字子邱春
原憲
秋字子思春
漆雕開
字子春

云宋
南宮适
子容春秋魯人
商瞿
字子木春
漆雕開
字子春

秋魯人或云
司馬耕
秋字子牛春
梁鱣
一作鯉字叔
冉孺
字

魯一作子曾
伯虔
字子析一作子循
冉季
字子產春
漆雕徒
字

父
文一作漆雕從字
漆雕修
字子歛春
公西赤
字子華春
任

不齊
秋字選春
公良孺
幼字正一作子
公肩定
或作公堅定字
榮旂
字子祺春

或云
鄆單
字子家
罕父黑
黑字子索
原亢
字子籍或

左人郢
作子行春秋魯人
鄭國
徒一作薛邦字
原亢
作原亢籍或

廉潔
字庸一作子衛人
叔仲會
一作噲字子期春
公西輿如
字

上春秋
魯人
邽巽
字子歛春秋魯人
陳亢
字子亢一字子琴

張名牛字子開 步叔乘字子車 秦非字子之 顏噲字

聲春秋 顏河字冉或云子 縣賈一作縣賈父或作縣 牧皮

黃帝臣力 樂正克戰國時人 萬章戰國時人 周敦頤字茂叔宋道州

生 程顥字伯淳宋河南洛人 邵雍字堯夫宋河南 列東廡以

先賢 蘧瑗字伯玉春秋衛大夫 澹臺滅明字子羽春秋魯武城人 宓不齊字賤春秋

秋魯 公冶長字子長春秋齊人 公皙哀或作公皙克字

高柴字羔春秋衛人 坐馬施字子旗或云陳人 顏辛一作幸字

季一作子秀 公孫龍字子石春秋楚 秦商字子丕春秋魯

曹卹字子循春秋蔡人 壤駟赤一作穰駟赤字子徒

人或云 顏高一作顏刻字子 壤駟赤一作穰駟赤字子徒

石作蜀字子明 公夏首一作公夏守字乘 后處字子里春秋齊人

奚容蒧 一作奚蒧 字子哲 一 顏祖 一作顏相 字襄 魯人一 句井疆

字子疆 春 秦祖 字子南 春 縣成 字子祺 春 公祖句茲 公一作祖

茲字子之 燕伋 字思 樂欬 字子聲 春 狄黑 字皙 孔忠 弗一作子孔

春秋魯人 公西蒧 字子上一作子 顏之樸 一作之僕 字 施之

兄子 常 字子恒 春 申棖 一作申纘 又作申 左丘明 春秋時人或

秦冉 字子開 春 公明儀 魯南武 公都子 戰國時人 公孫丑 戰國時人

張載 字子厚 宋長安人 程頤 字正叔 叔宋河南洛人 列西廡

兩廡先賢木主 再次以先儒 公羊高 齊末 伏勝 漢濟南人 西

制與兩序同 毛亨 西漢趙人 世 孔安國 字子國 西漢人 毛萇 字長公 漢又

趙人亨子 世 杜子春 西漢時元 鄭玄 字康成 東漢 諸葛亮 字孔明 漢

號小毛公 明蜀瑯 王通 字仲淹 隋 韓愈 字退之 唐鄧 胡瑗 字翼之 宋

臨縣 志 卷十一 諸教育 三

人 世稱安 韓琦 州安陽人 宋相 楊時 南劍州人 宋 謝良佐 道宋顯

上 蔡 尹焞 充宋洛陽人 一作德 胡安國 崇安人 宋 李侗 宋南劍中

州 呂祖謙 人 世稱東萊先生 封 袁燮 鄞縣人 宋 黃幹 卿 宋直

福建 輔廣 崇德人 宋 何基 金子恭人 宋 文天祥 吉水人 宋

王柏 宋婺州金華人 齋 陳澔 都昌人 宋 劉因 元保定容城人 溪

方孝孺 寧海人 直明 薛瑄 西河津人 山 胡居仁 餘干人 心明 羅

欽順 泰和人 升明 呂枏 高陵人 木明 劉宗周 會稽人 東明 孫奇逢

字啓泰 一字鍾元 清直隸 黃宗羲 世稱南雷先生 姚人 張履祥

容城人 世稱夏峯先生 陸隴其 平湖人 諡清獻 張伯行 號敬齋 清

世稱楊園先生 湯斌 潛孔伯一 字荆峴 號 列東廡 以先儒 穀梁叔 名一

人 或云 秦始周末 高堂生 漢西漢人 董仲舒 廣川人 漢 劉德

漢景帝第三子封河間王諡曰獻
后蒼 字近君 西漢人
許慎 字叔重 東漢汝南人
趙岐 字季文 漢

長陵 范甯 字武子 晉南陽人
陸贄 字敬輿 唐蘇州嘉定人
范仲淹 字希文 宋

歐陽修 字永叔 宋虛陵人
司馬光 字君實 宋陝州夏縣人
游酢 字定夫 宋建

呂大臨 字興叔 宋京兆藍田人
羅從彥 字仲素 宋南劍州人
李綱 字伯

無錫 張栻 字敬夫 宋漢州綿竹人
陸九淵 字子靜 宋金谿人

陳淳 字安卿 宋漳州龍溪人
眞德秀 字希元 宋浦城人
蔡沉 字仲默 宋

魏了翁 字華父 宋州蒲江人
趙復 字仁甫 元漢安人
金履祥 字吉甫

人 世稱仁 陸秀夫 字君實 宋楚州鹽城人
許衡 字仲平 元河

清元 撫州崇仁人 許謙 字益之 元金華人
曹端 字正夫 明南

稱月川先生 陳獻章 字公甫 明廣東新會人
蔡清 字介夫 明

王守仁 字伯安 明浙江餘姚人
呂坤 字叔簡 明河

編 縣 志 卷十一 路 教育 四

漳浦 王夫之 字而農號薑齋明衡 陸世儀 字道威清江蘇太

先生 顧炎武 本名絳字寧人明崑崙 列西廡 兩廡先儒木主制高三

分厚四分座高二寸六分長四寸厚二寸赤底墨書

崇聖祠祀孔子五代清雍正元年並追封王爵 主皆南向制視先師

肇聖王木金父 春秋宋人孔子 裕聖王祈父 或作畢夷父左

詒聖王防叔 孔子曾祖自宋適魯嘗為防

昌聖王伯夏

孔子祖 位次左 啓聖王叔梁 名紇孔子父仕魯為 東以先賢 孔氏

伯尼孔子兄 顏氏 名無繇字 孔氏 名鯉字伯 配西以先賢

曾氏 名點一作蕨 孟孫氏 名激字公配大成殿四配 東以先

儒 周氏 名輔成敦 程氏 名珦字伯溫宋河 蔡氏 名元定字

之陽人沈 從祀西以先儒 張氏 名迪載 朱氏 名松字喬年宋 從

祀木主制視
兩廡先儒

祀孔典禮

每歲春秋仲月上丁在大成殿行釋奠禮儀節並同太學詳後

至聖先師位前牛一羊一豕一登一實太羹鉶二實和羹簋二實稻粱簋

二實黍稷籩十實形鹽槁魚棗栗榛菱茨鹿脯白餅黑餅豆十實韭菹醢醢菁菹鹿醢芹

拍

四配位前東西各羊一豕一鉶二簋二籩二邊八無白餅豆八無脾

析豚 拍 鑪一 鐙二

兩序先賢位前東西各羊一豕一鉶一簋一實黍簋一實稷籩六無鹿脯

豆六無筍菹魚醢鑪一 鐙二

殿中設一案少西北向供祝版其南設一案西向陳禮神制帛九

白香盤四尊三爵二十有七西設一案東向陳禮神制帛八白色香

盤三尊二爵二十有四凡牲陳於俎凡帛正位四配異篚東西序

共篚凡尊實酒承以舟疏布幕勺具

兩廡二位同案每位爵一實酒每案簋一簋一籩四無榛豆四無芹

醢餘同兩序先賢位前羊二豕二香案一鑪一鏡一先儒位前羊一豕

一香案一鑪一鏡一設案一於南北向陳禮神制帛二白色香盤二

尊三虛爵六俎篚幕勺具

崇聖祠正位前各羊一豕一鉶二簋二籩二邊八豆八鑪一鏡二

與四配同

配位前簋簋各一邊四豆四東西羊豕各一鑪一鏡二與兩廡同

中設一案少西供祝版東設一案陳禮神制帛五白色香盤五尊四

爵十有五西設一案陳禮神制帛四白香盤四尊三爵十有二

兩廡東二案西一案每位爵一實酒每案設簋簋邊豆羊豕鑪鐙如

配位之數各南設一案陳禮神制帛一白香盤一尊一虛爵三俎

筐幕勺皆具

設中和韶樂於大成殿外兩階金鑄鐘一編鐘十有六在東玉特

磬一編磬十有六在西皆懸以虞業東應鼓一柷一麾一西啟一

東西分列琴六瑟四簫六篴四排簫二塤二笙六搏拊二旌

二羽籥三十有六直省無金鑄鐘玉特磬餘並同

祭之日昧爽執事陪祀各官員等預集文廟恭候主祭官至廟門

外贊引導由櫺星右門入進大次更服盥洗畢司祝以祝版進主

祭官恭閱署名司祝捧祝版進奉於祝案典儀贊鼓初嚴執事官

各就位鼓再嚴樂舞生就位然燭焚香鼓三嚴執事官各司其事
贊引請主祭官行禮主祭官出大次贊引導主祭官由大成門右
門入升午階典儀贊主祭官就位分獻官就位陪祀官各就位典
儀贊闢戶迎神司樂者舉迎神樂司樂者舉麾奏昭和之章辭曰
大哉孔子先覺先知與天地參萬世之師祥徵麟紱韻答金絲曰
月既揭乾坤清夷工鼓祝樂作贊引贊鞠躬再鞠躬三鞠躬傳贊
贊亦如之各官員三鞠躬司樂偃麾工憂故樂止典儀贊奠帛爵
行初獻禮司帛爵捧帛篚揭尊幕勺挹酒實爵以進典儀贊司樂
者舉初獻樂司樂奏騮和之章辭曰永懷明德玉振金聲生民未
有展也大成俎豆千古春秋上丁清酒既載其香始升樂作樂工
舉節舞千戚之舞贊引贊詣奠帛獻爵位導主祭官進殿右門詣

奠帛獻爵案前正立贊獻帛司帛進篚主祭官受篚拱舉司帛奠於案正中贊獻爵司爵進爵主祭官受爵拱舉司爵奠於墊中退贊復位導主祭官仍由殿右門出復拜位立典儀贊分獻官各行初獻禮左右司帛爵各奉篚實爵進至配位哲位前立兩廡司帛爵各奉篚實爵至諸先賢先儒位前立分獻官各就案前受帛爵拱舉司帛爵獻於案上典儀贊讀祝司祝就祝案前立贊引贊詣讀祝位導主祭官進殿詣讀祝位正立樂止贊讀祝文司祝者捧祝立於主祭官之左讀祝辭曰惟中華民國某年某月某官致祀於至聖先師孔子曰維先師德參化育道貫古今集羣聖之大成炳前知以垂憲天下爲公中國一人之量生民未有六經千載之心循宮牆而瞻美富入室升堂隆俎豆而奉馨香先明

後法茲當上丁祇率彝章肅展微忱聿將祀典以復聖顏子

宗聖曾子述聖孔子亞聖孟子配鳴呼聲名所屆血氣莫不

尊親光景常新禮樂明其禋祀尙饗讀畢主祭官拱舉司祝奉祝
版安於篚退樂作贊引贊復位導主祭官復拜位立贊鞠躬樂止
武功之舞退文舞執羽籥進典儀贊行亞獻禮司樂者舉亞獻樂
司樂奏熙和之章辭曰式禮莫愆升堂再獻響協葢鋪誠孚疊獻
肅肅雍雍譽髦斯彥禮陶樂淑相觀而善樂作舞羽籥之舞贊引
贊詣獻爵位導主祭官進殿詣獻爵案前贊奠爵贊復位導主祭
官仍由殿右門出復拜位立典儀贊分獻官各行亞獻禮如初獻
儀樂止典儀贊行終獻禮司樂者舉終獻樂司樂奏淵和之章辭
曰自古在昔先民有作皮弁祭菜於論思樂惟天牖民惟聖

斯若彝倫攸叙至今木鐸樂作舞羽籥之舞贊引贊詣獻爵位導
主祭官進殿詣獻爵案前贊奠爵贊復位導主祭官仍由殿右門
出復拜位立典儀贊分獻官各行終獻禮如亞獻儀樂止文德之
舞退典儀進至殿東西向立贊賜福胙胙退贊引贊詣飲福受胙位
導主祭官詣飲福受胙位正立捧福胙官就東案捧福胙祇立主
祭官之右接福胙官祇立於左贊飲福酒右官進福酒主祭官受
爵拱舉授左官贊受福胙右官進胙主祭官受胙拱舉授左官贊
復位導主祭官復拜位立贊鞠躬典儀贊徹饌司樂者舉徹饌樂
司樂奏昌和之章辭曰 先師有言祭則受福四海饗宮疇敢
不肅禮成告徹毋疏毋瀆樂所自生中原有菽樂作司爵進徹籩
豆各一少移故處樂止典儀贊送神司樂者舉送神樂司樂奏德

和之章辭曰鳧繹峨峨洙泗洋洋景行行止流澤無疆聿昭祀事
 祀事孔明以化蒸民以育膠庠樂作贊引贊鞠躬再鞠躬三鞠躬
 傳贊贊亦如之各官皆三鞠躬樂止典儀贊司祝者奉祝司帛者
 奉篚司爵者奉酒饌各詣燎所執事各員依次由中道出恭送燎
 爐四配十二哲兩廡亦如之典儀贊望燎贊引贊詣望燎位主祭
 官轉立拜位旁西向俟祝帛燎畢贊復位樂作典儀贊闔戶禮成
 樂止贊引導主祭官入大次更服出廟

歷代崇祀考

漢高十二年冬十一月自淮南過魯以太牢祀孔子

後世帝王祀孔子始此

平帝元始元年追諡孔子為襄成宣尼公

孔子有諡始此

明帝永平二年

令郡縣學校皆祀周公孔子牲以太牢

郡縣祀孔子始此

魏齊王芳正

始二年二月帝講論語通五年五月講尚書通七年十二月講禮

記通並使太常釋奠以太牢祭孔子於辟雍以顏淵配此國學釋奠以弟子

配享之始 晉武帝泰始三年冬十一月詔太學及魯國四時備三牲

祀孔子七年皇太子講孝經通親以太牢祀孔子此皇太子釋奠之始 自是

皇太子每通一經必親釋奠於太學歷朝亦並舉其禮 宋文帝

元嘉二十二年皇太子釋奠於太學樂用登歌釋奠用樂始此 孝武帝孝

建元年十月詔開建廟制同諸侯之禮 南齊武帝永明三年議

釋奠禮設軒縣之樂六佾之舞牲牢器用悉依上公此釋奠用舞之始

梁武帝天監四年詔建孔子廟 北魏孝文帝遷都洛陽太和十

三年詔立孔子廟於京師十六年二月詔改諡宣尼曰文聖尼父

北齊之制將講於天子先定經於孔廟講畢以一太牢釋奠尼

父配以顏回列軒樂舞六佾行三獻禮皇太子每通一經及新立學必釋奠每歲春秋二仲常行其禮每月旦祭酒領博士以下及諸生拜孔揖顏郡學則於坊內立孔顏廟博士以下亦每月朔奠

此為春秋釋奠及朔日行禮之始

北周宣帝大象二年追封孔子為鄒國公立

後承襲 隋制國子寺每歲以四仲月上丁釋奠先師州郡學以

春秋仲月釋奠 唐高祖武德二年命有司立周公孔子廟各一

所四時致祭仍博求其後當加爵土七年以周公為先聖孔子配

享太宗貞觀二年從房玄齡等議以孔子為先聖配以顏回四年

詔州縣學皆作孔子廟十一年尊孔子為宣父二十一年從許敬

宗等議國學釋奠遣國子祭酒為初獻州縣遣刺史縣令為祭主

國學祭以太牢樂用軒縣六佾之舞登歌一部與大祭祀遇改用

仲丁州縣常用上丁無樂祭以少牢

此後世國學遣官釋奠之始直省以長官主祭亦始於此

高宗永徽中復以周公爲先聖孔子爲先師顏回左邱明以下皆

從祀顯慶二年長孫無忌等言漢魏以來顏回夫子互作先師宣

父周公迭爲先聖貞觀之末親降綸言正夫子爲先聖加衆儒爲

先師而今新令不詳制旨遂違明詔周公制禮作樂功比帝王所

以禹湯文武成王周公爲六君子合同王者祀之儒宮就享實貶

其功仲尼祖述憲章生民以來一人胡可降茲上哲俯入先師請

改令從詔周公仍依別禮配享武王詔從之乾封元年追贈孔子

太師總章元年贈顏回太子少師曾參太子少保並配享中宗嗣

聖七年封孔子爲隆道公睿宗二十七年詔諡孔子爲文宣王又

昔緣周公南面夫子西坐自今兩京國子監夫子皆南面坐十哲

等東西列侍天下諸州亦準此又顏子亞聖可贈兗公閔子騫九哲贈侯曾參等六十七賢皆贈伯又敕兩京及兗州舊宅廟皆改冕服其諸州縣廟宇既小但移南面不必改衣服兩京牲用太牢樂宮縣舞六佾州縣則牲以少牢而無樂 宋太祖建隆四年詔州城置孔子廟五年以國諱改謚孔子曰至聖文宣王徽宗崇甯四年從司業蔣靜言增文宣王冕爲十旒服十章執鎮圭廟門立二十四戟並如王者之制又頒祭服制度於州縣令皆以法服行禮 金章宗泰和四年詔州郡無宣聖廟學者並增修之 元成宗大德十一年武宗即位秋七月詔孔子加號大成至聖文宣王遣使闕里祀以太牢仁宗至順元年閏七月詔以齊國公叔梁紇加封爲啓聖王魯國太夫人顏氏加封爲啓聖王太夫人三年正

月詔以正官氏特封大成至聖文宣王夫人 明太祖洪武二年

詔春秋釋奠止行於曲阜不必天下通祀錢唐伏闕上疏徐程亦上疏皆不報十五年三月始詔天下儒學每歲春秋仲月通祀孔子頒釋奠儀注國學邊豆以十凡府州縣學邊豆以八器物牲牢皆殺於國學其祭以正官行之夏五月南京新建太學成去塑像設木主二十六年頒大成樂於天下郡縣之學於是始皆用樂成祖永樂元年建北京國子監新廟憲宗成化十二年從祭酒周洪謨言詔增邊豆爲十二樂用八份 清世祖順治二年定文廟謚爲大成至聖文宣孔子並詳定釋奠禮每歲以春秋仲月上丁日通行府州縣衛又定朔望行釋菜禮十四年復至聖先師孔子神位舊稱通行直省各學聖祖康熙六年頒中和韶樂於太學名樂

曲曰平二十五年以御書闕里文廟萬世師表匾額頒發直省學宮二十八年頒御製孔子贊及顏曾思孟四贊於太學兼摹勒頒發直省府州縣各學世宗雍正二年御書生民未有匾額懸大成殿並頒發直省學宮高宗乾隆三年御書與天地參匾額並氣備四時與天地鬼神日月合其德教垂萬世繼堯舜禹湯文武作之師對聯懸掛國子監大成殿兼摹勒頒發直省學宮仁宗嘉慶元年御書聖集大成匾額頒發直省學宮宣宗道光元年御書聖協時中匾額頒發直省學宮文宗咸豐元年御書德齊幃載匾額頒發直省學宮穆宗同治二年御書聖神天縱匾額頒發直省學宮德宗光緒元年御書斯文在茲匾額頒發直省學宮宣統帝三年詔升孔子爲大祀並御書中和位育匾額頒發直省學宮

歷代從祀考

漢明帝十五年帝東巡過魯祀仲尼及七十二弟子

此弟子從祀之始 靈

帝光和元年立鴻都門學畫孔子及七十二弟子像

唐太宗貞

觀二十一年詔以左邱明卜子夏公羊高穀梁赤伏勝高堂生戴

聖毛萇孔安國劉向鄭玄賈逵杜子春馬融盧植服虔何休王肅

王弼杜預范甯二十一人代用其書垂於國胄可配享宣父廟堂

睿宗太極元年加贈顏回太子太師曾參太子太保玄宗開元八

年司業李元瓘奏言先聖廟顏子配像當坐四科弟子閔子騫等

雖列像廟堂不參享祀請春秋釋奠列二十一賢之上七十七子請

命有司圖形於壁兼爲立贊詔從之乃以十哲爲坐像悉與祀曾

參特爲之像坐亞之圖七十七子及二十一賢於廟壁帝以顏子亞

聖親製贊言書於石令當朝文士分爲之贊

此十哲配祀之始

宋太祖

建隆元年二月帝幸國子監詔增修祠宇繪先聖先賢先儒像親撰先聖亞聖贊十哲以下命文臣分贊之眞宗大中祥符元年追謚孔子曰元聖文宣王又追封叔梁紇齊國公顏氏魯國太夫人又追封亓官氏鄆國夫人二年三月頒曲阜廟桓圭一加冕九旒服九章從上公之制五月詔封追顏回兗國公閔損以下九哲封公會參以下六十二賢皆封侯七月又詔封左邱明以下十九人伯至王肅生前已封蘭陵亭侯加贈爲司空杜預生前已封當陽侯加贈爲司徒神宗熙甯七年禮官議熙甯祀儀十哲皆爲從祀惟州縣釋奠未載請自今二京及諸州春秋釋奠並準熙甯祀儀元豐六年從吏部尙書曾孝寬言孟軻祠廟在鄒未加爵命詔封

鄒國公七年從晉州教授陸長魚奏以鄒國公孟子配享設位兗國公之次並從禮部侍郎林希議封荀況楊雄韓愈伯爵以世次先後從祀於左邱明等二十一賢之間自國子監及天下文廟皆塑鄒國公像畫荀況等像於從祀之列徽宗崇寧元年詔孔鯉魯堂從祀厥有舊祠可特封泗水侯孔伋魯郡實有舊祠可特封沂水侯三年詔以王安石配享孔子廟位鄒國公之次又詔文宣王殿大成爲名大觀二年從通事郎侯孟請繪子思像從祀於左邱明二十四賢之間四年議禮局言史記弟子傳曰受業身通六藝者七十有二人家語曰七十二弟子皆升堂入室者按唐會要七十七人而開元禮止七十二人又復去取不一本朝議臣斷以七十二子之說取琴張等五人而去公夏首等十人今以家語史記

參定公夏首后處公肩定顏祖鄔單罕父黑秦商原亢樂欬廉潔
唐會要開元禮亦互見之皆有伯爵載在祀典請追贈侯爵使與
於祭享詔公夏首等十人皆爲侯政和三年詔封王安石爲舒王
又封其子雱爲臨川伯從祀五年詔鄒縣孟子廟以樂正子配享
公孫丑以下從祀封樂正子利國侯公孫丑以下十七人俱封伯
欽宗靖康元年以右諫議大夫楊時言王安石學術之謬詔降王
安石依鄭康成例從祀兩廡孝宗淳熙三年洪邁言孟子配食與
顏子並其師子思子思之師曾子皆在其下乞改正又趙粹中請
削去王安石從祀皆不報四年始詔去王雱從祀畫像理宗寶慶
三年特贈朱熹太師追封信國公紹定三年改封徽國公端平二
年詔升子思於十哲淳祐元年降御札周敦頤程顥程頤張載朱

熹宣列諸從祀乃表周程程張四人仙留黑王安石從祀景定二
年從皇太子奏詔封張栻呂祖謙伯爵並從祀度宗咸淳三年正
月降御札以邵雍司馬光列諸從祀特封雍新安伯二月封曾參
邾國公子思沂國公與顏孟並配享封顓孫師陳公升於十哲又
詔以泗水侯孔鯉列於鄆成侯孔忠之次 金章宗承安二年春
丁帝親釋奠敕先賢先儒舊封公者升爲國公侯者升爲國侯邾
伯以下皆封侯 元仁宗皇慶二年以宋儒周敦頤程顥程頤張
載邵雍司馬光朱熹張栻呂祖謙及故中書右丞許衡從祀延祐
三年御史中丞趙世延言南北祭禮不宜有異乃詔以顏曾思孟
配享又詔封孟子父激爲邾國公母仇氏爲邾國宣獻夫人六年
追封周敦頤爲道國公又封蘧瑗爲內黃侯從祀至順元年閏七
月詔以子思加封沂國述聖公時並封顏子兗國復聖公曾子邾

國宗聖公孟子鄒國亞聖公程顥豫國公程頤洛國公十二月詔以董仲舒從祀孔子廟位列七十子下三年五月加封顏子父無繇爲杞國公謚文裕母姜氏爲杞國端獻夫人妻戴氏爲兗國貞素夫人順帝至正二十二年八月封楊時吳國公李侗越國公胡安國楚國公蔡沈建國公眞德秀福國公俱贈太師未議從祀十一月追謚朱熹父松曰靖獻改封熹爲齊國公 明太祖洪武二十九年從行人司司副楊砥言退揚雄進董仲舒追封仲舒爲江都伯宣宗宣德三年禮部考正從祀先賢名位願示天下英宗正統二年從楊士奇言以胡安國蔡沉眞德秀從祀三年孔顏孟三氏教授裴侃疏言元已封啓聖王創殿於大成殿西崇祀而顏孟

之父俱封公惟伯魚子皙仍封侯乞追封公爵偕顏孟父俱配啓
聖王殿帝下禮部行之仍議加封伯魚子皙封號八年從蔣明請
追封元儒吳澄臨川郡公從祀孔廟孝宗宏治九年從大學士徐
溥等言封楊時將樂伯從祀位列司馬光之次世宗嘉靖九年十
月大學士張璁疏請正文廟祀典命禮部會翰林諸臣議璁又作
正孔子廟祀典或問奏之并下禮部速議更正張兗徐階王汝梅
等極言其不可帝指爲謬論謫貶之御史黎貫等下法司按治禡
爲民於是禮部會諸臣議令兩京國子監及天下學校於孔子神
位題稱至聖先師孔子去王號及大成文宣之稱改大成殿爲先
師廟大成門爲廟門四配稱復聖顏子宗聖曾子述聖子思子亞
聖孟子十哲以下凡及門弟子皆稱先賢某子左邱明以下皆稱

先儒某子去公侯伯爵依南京國子監規制製木主仍擬大小尺寸著爲定式其塑像盡行屏撤春秋祭祀遵舊制國學用十邊豆以別郊廟之祀樂舞止用六佾凡學別立啓聖祠中祀叔梁題啓聖公孔氏神位以顏無繇曾點孔鯉孟孫氏配俱稱先賢某氏兩廡以程昫朱松蔡元定從祀俱稱先儒祭祀與文廟同日籩豆牲帛視四配東西配位視十哲從祀先儒視兩廡國學以祭酒主祭南京則以司業從祀申黨即申棖宜存申棖去申黨公伯寮秦冉顏何苟況戴聖劉向賈逵馬融何休王肅王弼杜預吳澄十三人俱宜如所論罷祀林放蘧瑗鄭衆盧植鄭康成服虔范甯七人俱宜如所論各祀於鄉后蒼王通歐陽修胡瑗四人俱宜如所論增入從祀十一月奏上詔悉如議行又以行人薛侃言增陸九淵從

祀穆宗隆慶五年詔以薛瑄從祀列於呂祖謙之下神宗萬歷十二年詔以陳獻章胡居仁王守仁並從祀二十三年詔以周敦頤之父輔成從祀啓聖祠四十七年詔以宋儒羅從彥李侗從祀莊烈帝崇禎十五年詔以左邱明改稱先賢並改周程張朱邵六子並稱先賢位七十子下漢唐諸儒上 清聖祖康熙五十一年以先賢朱子升配大成殿十哲之次五十四年以宋儒范中淹從祀世宗雍正元年頒文廟崇祀先儒位次及祭器祭品樂器圖於天下學宮二年令各省修理文廟學宮增定從祀諸賢議定宜復祀者六人林放蘧瑗秦冉顏何鄭康成范甯增祀者二十人縣廩牧皮樂正子公都子萬章公孫丑諸葛亮尹焯魏了翁黃幹陳淳何基王柏趙復金履祥許謙陳澹羅欽順蔡清陸隴其入崇聖祠者

一人張迪十一年命直省肅修文廟祀典高宗乾隆三年以元儒吳澄從祀升先賢有子配享位於大成殿供於先賢卜子之次移朱子神位於西在先賢顓孫子之次號十哲六年禮部議准從祀先賢神位次序以太學成式通行直省府州縣遵照書題按東西先後次序安設宣宗道光二年以明儒劉宗周從祀三年以原任禮部尙書湯斌從祀五年以明儒黃道周從祀六年以唐臣陸贄明儒呂坤從祀八年以明儒孫奇逢從祀二十三年以宋臣文天祥從祀二十九年以宋儒謝良佐從祀文宗咸豐元年以宋臣李綱從祀二年以宋臣韓琦從祀七年從河南學政俞樾請以鄭大夫公孫僑從祀位東廡第一位移蘧瑗爲西廡第一位又以孔子兄孟皮從祀崇聖祠九年以宋臣陸秀夫從祀十年以明儒曹端

從祀穆宗同治二年以漢儒毛亨明臣方孝儒呂柟從祀三年議定文廟從祀位次爲圖頒發直省以宋儒袁燮及先儒陸世儀從祀十二年以先儒張履祥從祀德宗光緒二年以漢儒許慎從祀三年以漢河間獻王劉德從祀五年以原任禮部尙書張伯行從祀六年以宋儒輔廣從祀十二年以漢儒趙岐宋儒游酢呂大臨元儒劉因從祀三十三年以明儒黃宗羲王夫之顧炎武從祀

禮制館擬訂祀孔典禮說明書

民國三年

一稱祀不稱釋奠

謹案古者立學必祭先聖先師所以報本反始崇德而勸學也其禮有四曰祀曰釋奠曰釋菜曰釋幣而以祀爲正祭祭義所謂祀先賢於西學是也釋奠者設薦饌酌奠而已無迎尸以下

之事釋菜惟釋蘋藻而已無牲牢無幣帛釋幣則徒用幣而無菜亦無牲牢是釋奠釋菜釋幣皆爲祀禮之畧者祀禮亡逸久不可考釋菜之禮又亡於唐宋間學官所舉惟畧存釋奠之儀後世無釋菜之禮但存其名耳實與古不合故惟漢魏間尙稱祀孔子後此雖升大禮猶未改釋奠之名也釋奠爲祀之畧實祀而以釋奠名之其名不正今奉明令祀孔仍從大禮其禮節服制祭品當與祭天一律典禮極爲隆重故擬稱祀不稱釋奠

一稱文廟爲孔子廟而大成殿仍其舊名

謹案自魯哀公十七年立孔子廟於故宅閱千餘年未嘗出闕里至北魏太和十三年始立孔子廟堂於京師唐貞觀四年始詔州縣學皆作孔子廟孔子廟之名始見於史記孔子世家及

闕里志漢元嘉二年詔此外或曰仲尼廟史記孔子世家孔廟北魏高

宣尼廟宋書禮志孔父廟孔顏廟並隋書禮儀志孔聖廟唐皮日休請文

文宣王廟冊府元龜宣聖廟闕里志夫子廟宋歐陽修襄先聖廟闕里志

先師廟明史太文廟明會典要以稱孔子廟為最古且最普徧稱

文廟為最後文廟蓋從文宣王謚而來孔子之道生民未有非

一言一行之美可以節惠定謚者比明儒邱璿論之詳矣今文

宣之謚既早罷廢則文廟之稱似亦不必沿明之舊元大德十

一年始加封孔子大成至聖文宣王而宋崇寧三年已詔文宣

王殿以大成為名是大成殿不因封號而名者也明嘉靖九年

定孔子謚號曰至聖先師孔子因改大成殿為先師廟大成門

為廟門不知殿因封號而名當改也不因封號而名則不必改

今擬仍以大成爲殿名說文堂殿也御覽引說文殿堂之高大者也廣雅釋宮堂堦壁也初學記引倉頡篇殿大堂也商周以前其名不載秦始皇始作前殿玉海又謂秦孝公強盛時大築冀闕由是天子殿初見明秦孝公以前堂殿本通呼漢魏以來始爲王居所專然以漢書黃霸傳先上殿顏師古注丞相所坐屋也古者屋高嚴通呼爲殿不必宮中證之則漢時丞相所坐屋尙得稱殿故今可仍之

三改題避諱諸木主

謹案古無諱名之禮周人以諱事神於是乎始諱諱名與諡典同出於周諱者敬避而不名諡者易名而稱行其爲用不同而其意則一故爲親者諱謂之私諱爲尊者諱謂之公諱猶諡之

有公謚私謚也宋徽宗以曾參等所封犯先聖諱改封金章宗泰和五年諭有司進士名有犯孔子諱者避之是爲避孔子諱之始然至清初而直省郡邑之名有孔子諱在內者猶相沿未改雍正三年始定園丘丘字如故此外除四書五經凡遇丘字並加邑爲邱地名亦不必改易但加邑旁讀作期音蓋帝制時代臣民旣以諱名爲事君之禮自當避孔子諱以示尊孔之道實則諱非事人所宜周雖有諱而生者不相避名故衛侯名惡大夫有名惡君臣同名春秋不非曲禮注况今日政體改建公謚已不適用則公諱之典更可不相沿襲依習慣上言之即不避諱亦必無直呼孔子之名者惟廟中從祀先賢左丘明前清木主加邑爲邱據曲禮詩書不諱臨文不諱注爲其失事正疏引

何胤云詩書謂教學時也臨文謂禮執文行事時也因誦詩書
 執禮文行事而有所諱本非孔子所許今宜改題毋庸加邑為
 邱此外木主有因犯清帝廟諱而以字題者如先儒鄭康成缺
 筆者如先儒陳淳更當執廟中不諱之例改題先儒鄭玄陳淳
 述聖孔伋因避孔子之姓而題子思子尤為不典宋史度宗紀咸淳三年以
顏淵曾參孔伋孟軻配享是四配之始本不稱子思稱子思蓋自元始宜一例更正題述聖孔子
 或謂殿內不名若不題子思子嫌與至聖先師孔子無別不知
 禮不諱嫌名况至聖先師孔子與述聖孔子顯然有別十二哲
 中如先賢冉雍冉耕冉求同姓木主皆題先賢冉子崇聖祠中
 如先賢孔孟皮孔鯉同姓木主皆題先賢孔氏未嘗嫌其無別
 何獨於述聖而嫌之至丘氏本以太公之後食采謝丘得姓清

初以來加邑爲邱相沿已久其願仍從習慣者不妨各聽其便
四儀文器數之增損

謹案唐開元禮國學釋奠尙以皇太子諸州以刺史縣以縣令
至宋紹興十年始以在京釋奠爲大祀州縣爲中祀同一祀孔
子而京外異儀非所以昭崇敬之道今宜一之元至正儀迎神
前唱闕戶送神後唱闔戶明洪武儀將行禮起鼓三嚴然後獻
官至頗合大斫鼓徵之古義用四拜禮則始於洪武二十六年
今並採之此外損益大都參照前清大祀典禮惟兩廡各用少
牢三先賢先儒分配不勻今擬各省其一崇聖祠正位五位各
用一太牢今擬統設一俎上香非古也故去之拜下禮也前清
大祀南北郊皆拜於第二成階下社稷拜於墮門外正中皆取

拜下之義今既定祀孔與祀天一律故擬設拜位於殿門外以昭崇敬又各地方祀孔子三獻之爵如不及備王者得代以銅五樂章暫仍清舊而以和爲名

謹案清樂圜丘九奏方澤八奏太廟六奏社稷七奏皆大祀也故祀孔子仍得用六奏沿清之舊不必同祀天九奏也宋大觀三年大晟府擬撰釋奠十四首皆用安字

宋史樂志

而元史樂志載

祀宣聖樂章共二十有七皆用明字其十四章全用大晟樂府明洪武六年定祀先師孔子樂六章皆用和字亦全襲大晟樂府之辭至洪武二十六年始頒大成樂於天下今擬祀孔樂章暫仍清舊略加點竄惟清樂以平爲名今擬悉改爲和字

謹案清世春秋二仲月行釋奠禮朔望行釋菜禮民國三年

禮制館擬訂祀孔典禮與祭天一律禮用四拜著祭服並頒發祀孔典禮一册五年內務部據浙江省長呂海寰電稱以原訂祀孔典禮如拜跪及祭服等項均與規制不合擬除去拜跪行鞠躬禮改祭服爲禮服等語暫訂迎送神各三鞠躬讀祝受胙各一鞠躬正獻分獻服大禮服陪祀各員服常禮服現今各地方官舉行祀孔仍適用五年改訂儀節制因時而迭變道與古而爲新聖神功化之隆固不以儀節之豐殺爲加損也

教育機關

學田學款附

高等小學校清光緒三十一年知縣光熙由崇正學堂改組而成即以舊有之明倫堂爲校址三十四年第一班學生劉翰池等

十名畢業分別給獎廩增附生宣統二年第二班學生張蔚昌等十名畢業給獎如前自茲以往部令停止獎勵第三班學生樊淵湜等八名又插班生白汝鯤等十三名於民國元年二年兩次畢業第四班學生趙登雲等二十四名於民國三年畢業第五班學生王生政等二十六名於民國四年畢業第六班學生馬景援等十五名於民國六年畢業學校畢業譜例不登錄附存於此

校內收藏書籍分經史子集四部彙列於左

經部

易經

王弼注 孔穎達疏

書經

孔安國傳 孔穎達疏

毛詩

毛公傳 鄭玄箋

周禮

鄭玄注 孔穎達疏

儀禮

鄭玄注 賈公彥疏

禮記

鄭玄注 孔穎達疏

春秋左氏傳

杜預集解 孔穎達疏

公羊傳

何休解詁 徐彥疏

穀梁傳

范甯集解 楊士勛疏

論語

何晏集解 邢昺疏

孝經

唐玄宗注

爾雅

郭璞注 邢昺疏

孟子

趙岐注 孫奭疏

以上十三經注疏

易經

二本

書經

四本

詩經

四本

周禮

六本

儀禮

六本

禮記

十本

春秋三傳

十四本

論語

孝經

一本

爾雅

三本

孟子

以上十三經讀本

周易折衷

一部

書經傳說

一部

詩經傳說

一部

春秋傳說

一部

三禮義疏

一部

以上欽定七經

詩易析衷

一部

皇清經解

一部

毛詩稽古編

一部

白虎通

一部

說文解字

二部 十本

漢學師承記

一部

十三經分類政要 八一部

史部

史記 漢司馬遷撰

三國志 晉陳壽撰

南齊書 梁蕭子顯撰

魏書 北齊魏收撰

南史 唐李延壽撰

唐書 宋歐陽修撰

遼史 元脫脫等撰

明史 清張廷玉等修

前漢書 漢班固撰

晉書 唐太宗撰

梁書 唐姚思廉撰

北齊書 唐李百藥撰

北史 唐李延壽撰

五代史 宋歐陽脩撰

金史 元脫脫等撰

以上二十二史缺一

後漢書 宋范曄撰

宋書 梁沈約撰

陳書 唐姚思廉撰

北周書 唐令狐德棻撰

隋書 唐魏徵撰

宋史 元脫脫等撰

元史 明宋濂撰

御批通鑑輯覽 八一部

鉛印 御批通鑑輯覽 十四部二

史記評林 十二部三本
漢書評林 十八部四本
國語國策 八部一本

文獻通考詳節 八部一本
經世文正編 十四部二本

經世文續編 十四部二本
經世文三編 六部十本

四庫全書提要 一百二十六套一百二十八本
讀通鑑論 十部一本

九朝東華錄 十六函七本
海國圖志 六部十本
海道圖說 十部一本

瀛寰志略 八部一本
皇朝中外輿圖 六部一本

山西通志 十二函九本
汾州府志 六部十本
大清會典 十四部六本

子部

二十三子 十六部三本
五子近思錄 三部
性理精義 六部一本

小學集註 八部一本
五種遺規 十部二本

何義門讀書記 二部十本
呻吟語 六部一本

御製數理精蘊 一部二十四本

疇人傳 一部六本

梅氏叢書 一部六本

白芙堂叢書 一部二本

中西算學大成 一部二十四本

算學啓蒙 一部三本

集部

古文辭類纂 一部十本

唐宋八家文 一部三十六本

湖海文傳 一部九本

馬氏文通 二部四本

乙種農業學校民國四年知事俞受彤奉令創設以舊教諭署為

校址暫租河渠水地四畝為試驗場

第一模範國民學校清光緒三十四年知縣李兆麟由崇實學堂

改組而成以舊訓導署為校址

第一女子小學校清宣統元年知縣李兆麟創設暫假文昌街民

房爲校址

第二模範國民學校民國五年知事胡宗虞創立以舊鳳山書院爲校址此外各鎮村分設國民學校民國五六兩年大事推廣計共一百餘處

詳學
校表

勸學所清宣統元年知縣李兆麟奉令創設置所長一人不久停辦至民國五年知事胡宗虞從新組織以孔廟東偏齋戒房爲地址設勸學員長一人勸學員二人

教育會清宣統元年知縣李兆麟聯合學界組織而成補助教育行政設會長一人會員無定額先設在鳳山書院後移於舊教諭署今移於孔廟東偏齋戒房

宗聖會民國三年知事張洽聯合紳學界共同組織暫假孔廟東

偏齋戒房爲地址

教育圖書館民國四年知事胡宗虞創設高等小學校校長李鵬齡承辦儲有部定各種教科書設館長一人司事一人與勸學所宗聖會教育會同地

宣講所民國二年知事張洽奉令創立初借舊教諭署地址設宣講員三人後移於鳳山書院裁撤二人現移於南市場正殿內洗心社民國六年知事胡宗虞集合學界共同組織於十二月成立公推講長一社長一幹事員一書記一每星期日講演德育要旨暫假高等小學校教室爲地址

學田明萬歷年間知縣張問行縣丞魏賓全指地一百六十八畝八分三釐每年徵租銀七兩二錢七釐給貧生婚葬之需又

康熙二十六年知縣莫友仁置甘泉等都水平山各地共七百五十二畝又置舍窠一處爲貧生助迄今二百餘年簿冊無徵率多湮沒今所存者止花豹溝舍窠一處南門外水地十畝霍茶亭水地十二畝半舍窠一處石崖會馬頭上平地五畝槐樹坪李家塋地三十六畝鹽場上地十畝侯家崖山地十八畝每年共得租賃制錢三千七百六十文租穀四石四斗向歸學署經收今補助學校經常費

學款清光緒年間知縣左兆熊胡鑑斗孔繁昌三次敦勸富紳捐助八數錢本五千八百四十八千銀本二千八百五十兩均按月一分生息山殷實商號經收又通年穀租四石四斗係學署原有田租三十二年改充學校經常費此外又有菸捐戲捐

加抽麻捐等款通年約收制錢二千一百千之譜

詳財賦畧

謹案禮義廉恥國之四維四維之立非教育不為功當此新舊過渡之秋似無古今並載之理今志教育不敢詳今畧古舍舊圖新者亦餽羊弗去之意也

附各學校表

區域	校名	地址	組織	成立年
中區	高等小學校	城內明倫堂	崇正學堂改設	光緒三十一年
	乙種農業學校	城內舊教諭署	創設	民國四年
	第一模範國民學校	城內舊訓導署	崇實學堂改設	光緒三十四年
	第二模範國民學校	城內舊鳳山書院	創設	民國五年
	女子國民學校	城內文昌廟街民房	創設	宣統元年

全	全	全	全	全	全	全	全	全	國民學校
榆林村	下西坡村	安業村	青塘村	府底村	關王廟村	南塌村	前甘泉村	清涼寺村	上西坡村
全	全	創設	私塾改設	創設	全	全	全	全	私塾改設
全	全	全	民國四年	全	全	全	民國三年	民國二年	光緒三十年

全	全	全	全	全	全	全	全	全	
上南溝村	張家場村	玉薦村	化林村	萬安坪村	蘇峪村	月鏡村	王家坪村	安家庄鎮	白家庄村
創設	私塾改設	義學改設	全	全	創設	全	全	全	私塾改設
民國六年	全	民國三年	全	全	全	全	全	全	全

東區

國民學校

南區

全

陡泉村

全

全

全

曹家山村

全

全

兩等學校

磧口鎮

義學改設

光緒三十三年

國民學校

招賢鎮

全

全

全

南溝鎮

全

宣統三年

全

三交鎮

全

光緒三十三年

全

全

創設

民國三年

女子國民學校

全

創設

民國六年

國民學校

劉王溝村

全

民國三年

全

李家山村

私塾改設

全

全	全	全	全	全	全	全	全	全	全
白家山村	棗圪塔村	孫家溝村	高家坪村	馮家會村	桑坪村	滴水局村	後庄村	王家溝村	劉家會村
私塾改設	義學改設	全	私塾改設	義學改設	全	全	全	全	全
全	全	全	全	民國四年	全	全	全	全	全

全	全	全	全	全	全	全	全	全	全
寺坂底村	白家崩村	張家溝村	嚴家塌村	樊包頭村	原上村	西頭村	索達干村	南瞭村	雙塔村
全	全	私塾改設	全	全	創設	全	全	全	全
全	全	全	全	全	民國六年	全	全	全	民國五年

西區	國民學校	全	全	全	全	全	全	全	全
全	曲峪鎮	全	全	全	全	全	全	全	全
全	叢羅峪村	全	全	全	全	全	全	全	全
全	堡則峪村	全	全	全	全	全	全	全	全
全	彩家庄村	全	全	全	全	全	全	全	全
全	段家塌村	全	全	全	全	全	全	全	全
全	賀家灣村	全	全	全	全	全	全	全	全
全	小園則村	全	全	全	全	全	全	全	全
全	薛家圪台村	全	全	全	全	全	全	全	全
全	沙原村	全	全	全	全	全	全	全	全
全	高家圪台村	全	全	全	全	全	全	全	全
全	私塾改設	全	全	全	全	全	全	全	全
全	創設	全	全	全	全	全	全	全	全
全	宣統三年	全	全	全	全	全	全	全	全
全	民國三年	全	全	全	全	全	全	全	全

全 白道峪村 全 民國三年

全 第八堡村 全

全 喬家圪台村 創設 民國五年

全 兔兒坂鎮 私塾改設 民國六年

全 栢場則村 全

全 梁家會村 創設 全

全 黍局上村 全

全 井頭村 全

全 石坪頭村 全

全 塢頭村 全

全	秦家坪村	私塾改設	全
全	李家灣村	創設	民國五年
全	城莊村	全	民國四年
全	陽日會村	全	全
全	陽坡村	全	民國三年
國民學校	要頭村	私塾改設	民國二年
女子國民學校	全	全	民國六年
第二國民學校	全	創設	民國五年
北區 第一國民學校	白文鎮	義學改設	光緒三十一年
全	雷家嶺村	全	全

臨縣志

卷十一

教育

全

桐村

創設

民國六年

全

太平村

全


全

全

王家溝村

全

全



臨縣志卷十二

試署臨縣知事古黔胡宗虞監脩

山西大學校文科學長晉城郭象升審定

兵防畧第五

國之大事在祀與戎祀以交神明既附載教育古蹟而除戎以戒不虞守土者奚容或緩臨爲晉西僻邑似無兵事可志然秦趙相攻藺臬狼爲必爭之地典午以來羌胡割據石趙紛爭官司守禦之策人民流離之狀書缺有間不可得詳明末西賊破城清初平寇犯境洎乎咸同陝匪甘回肆其猖獗河西數十郡縣烽火相望議戰議守幾費經營民國肇造沿河會匪屢肆劫掠臨與一河之隔危如累卵幸防禦有方獲免蹂躪雖然厝火積薪未然斯懼殷

鑒不遠來軫方適舊志略紀兵防今增述之巡警軍電依類相屬
而以古時營舖附見焉

明崇禎二年流賊王家胤攻縣城三日未下

王家胤府谷人崇禎二年二月十四日率賊黨多人渡河圍攻
縣城三日未下四出劫掠東走離石

五年西賊張有義王之臣先後犯境破城縣官出走

五年春西賊張有義賀宗漢

號活地草

渡河據臨汾州參將劉光祚

遊擊王尙義敗賊於臨境尋爲賊所乘全軍覆沒十一月十八
日流賊王之臣

即豹五

更破縣城蹂躪全境縣官逃走巡撫許鼎

臣總督張宗衡督兵攻賊賊與土寇田福田科等相犄角久不
拔會鼎臣還會城六年春正月二十日賊約福劫官軍撫標中

軍陳國威僞稱之臣往迓福遂斬福頭懸城下急擊之賊始降
參將劉光祚數敗賊於縣境石州撲天虎等詐降設伏斬之王
之臣轉入赤澗嶺巡撫許鼎臣冀南道潘光祖總兵張應昌及
參將劉光祚合兵進勦豹五及閻正虎上天龍邢滿川等離境
遠竄七年土寇乘間起事三關王剛孝義通天柱臨縣王之臣
皆殘破城邑之劇寇也後見賊衰相繼歸順然陰結黨羽不散
巡撫戴君恩新視事謀誅之正月迎春召王剛宴殺之並殺通
天柱於他所而副總兵艾萬年克復臨縣捕殺王豹五與其黨
領兵王生擒翻山動姬關鎖掌世王共斬四百二十九人晉西
巨盜略盡

七年岢嵐賊高加討馬上舞三十斤長槌掠臨縣

八年三月參將虎大威擊殺高加討於忻代山中賊平

縣民宋騰高鄭家灣人當西賊王家胤岢賊高加討等犯臨到處劫掠合邑幾無完土騰高與村人依山爲寨賊雖頻來窺伺終不敢犯該村人賴以全活者甚衆事平後劇貲立碑以誌宋氏功德云

謹案明末十餘年間兵災歲歉民不聊生舊縣志修於清初距崇禎末不及百年而於當日擾亂流離之狀況竟未記載本志所列僅據省通志汾志擇錄宋騰高事則見於鄭家灣廟碑

清順治六年流賊姜瓖餘黨平德圍攻縣城知縣張耀祖死之

府志榆林賊平德圍臨縣防兵背城力戰老營堡副將羅映壇

由北路南下汾州叅將甯獻功踰漢高山西來合攻大破平德
張再元賊遁走

舊縣志平德之變孤城失守知縣張耀祖死難縣尉王之佐忠
憤激烈急圖恢復因率領民兵奔赴趙家寨賊衆追及犯寨之
佐拒戰卒以衆寡不敵被執義不爲屈罵賊而死時有張小亭
者亦嘯聚羣盜到處劫掠糜爛不堪兼以縣治無主文報不通
隣封誤會張皇其詞以臨縣民變聞於上撫帥飭兵來勦邑人
聞警束手無策有恩貢生李太冲者安業都人素明大義商之
城中諸措紳各出私蓄符縣中錢糧額數立時起解道逢大隊
於金鎖關主帥詢悉曰是流賊非民變也止兵不前遣偏裨領
二三百兵勘亂安民噫使當日無太冲臨危濟變之策則火炎

崑岡玉石俱焚臨將不得為臨矣故特揭之

同治元年徇寇猖獗西河戒嚴磧口團練防堵

陝西自咸同間捻匪退散徇匪鴟張三輔千里半成焦土延榆

一帶處處揭竿勢成燎原號稱十八大營董福祥高木匠其大

股也盤據陝北各州縣賊來則相搏賊去則蠶食汾州迤西之

四州縣即古之西河郡屬地正當其衝時山西巡撫英桂奏派

徐太僕繼畬

時因四川考官被議歸田主講平遙書院

總辦全省團練防堵陝寇徐

太僕舉磧口通判汪韶光為沿河團練總辦永甯李鎮軍能臣

臨縣張協戎從龍二公皆罷官家居磧口為臨永分轄之地即

派張君駐磧口李君駐軍渡幫辦防堵沿河一帶聲勢相聯上

下策應又恃黃河天塹之險幸獲無虞然十數年中賊盜之奔

突兵勇之潰變難民之逃竄當事諸公籌備艱難保全大局之功有不可湮沒者因並誌之

磧口通判汪韶光字春埜廣東三原里奇士也咸豐間英吉利攻廣州韶光練民團拒之截殺英兵數百並英將伯麥乃破三十萬家資僅得一通判分防磧口徐繼畬稔其能故舉爲沿河一帶團練總辦遇事勇決調度有方全晉賴以安全

離石李能臣字子廉歷任雲南總鎮臨縣張從龍字子雲以第一人出身歷任閩浙協戎同治初元均罷職里居經派幫辦防堵沿河十數渡口西賊屢次臨河兩公因地利察敵情或開炮轟擊或設伏制禦俾耽耽欲逞之匪無隙可乘故當時河西一帶府神葭吳焚掠時聞屍骸遍野而河東各縣安堵如常皆兩

公保障之力也先是防河兵勇分紮各渡者以萬計多髮捻餘
匪時思內變因暗結土棍劉中滿等布散訛言煽惑圖變兩公
偵得其情立拿劉中滿陳俊儀柴奉孔訊實請命正法兵勇莫
不股慄此可見兩公之紀律嚴明矣同時劉仲鰲者甯鄉軍渡
人也當西賊爭渡防務喫緊之際軍糧缺乏兵勇藉口乏餉勢
將出掠且謀內變統領某因餉缺不能用命延商紳富戶借款
咸膜視之統領某將欲自刎適仲鰲來磧請見統領語以故仲
鰲慨然以募餉自任一呼四應登時發給月餉且增其數軍律
爲之稍整遂誅倡亂者三百餘人人心大定仲鰲非臨人然當
此危急存亡之秋見義勇爲其功德之在臨實非淺鮮因附于
此以存義士梗概焉

光緒二十五年拳匪肇亂知縣孔繁昌被誣落職

是年春拳匪起於山東撫臣毓賢奉檄調晉遂蔓延山西毓賢於五月十三日手屠教士教民一百七十餘人於撫署之轅門又前曾飭令各州縣習拳仇教時知縣孔繁昌習知外情雖被嚴飭終守保護條約並未傷害教民迨聯軍犯闕解嚴議和山西巡撫岑春萱再四磋商認賠款一百七十萬結本省教案除毓賢議置重典外州縣罣誤褫職者二十餘員繁昌被教民暗傷亦廁其列聞者莫不冤之經紳民懇辨始准捐復

宣統三年辛亥冬三交民團拿獲潰兵二名槍斃

是年八月十九日武昌起義山西省城於九月初八日響應獨立十一月二十二日娘子關失陷遊匪四起離石北川被劫由

峪口竄臨者九人持鎗跨馬自車干溝達三交意在劫掠幸三
交商民各團早已有備該匪等見勢難犯即思遠遁竟被民團
拿獲二人餘鳥獸散並將鎗械馬匹全行拋棄陝西會匪蜂起
榆林知府逃臨屢來追探亦見民團防嚴不敢東渡時知縣朱
焯分撥巡警防河所費頗鉅事前奉令准作正開消後竟中梗
地方獲益長官受累亦事之極不平者也

民國元年壬子山西兵事大定惟土匪劫掠之案時有所聞臨縣
無兵事

五年袁氏稱帝改元洪憲雲貴等省反對南北交兵相持數月陝
西會黨又四出劫掠沿河戒嚴

是年四月陝西潰兵土匪肆擾北川宜君延川等縣相繼失守

匪已北至綏德米脂境內距河不遠勢欲東渡臨境戒嚴一夕數驚知事胡宗虞飭巡官劉翰池賀緝熙莫俊升等帶警分三路防守將西岸船隻拉移東岸並飛請陸軍駐防趕辦本城三交磧口及沿河各村商團民團協助防賊匪乃西去七月商軍要求東渡同時來匪約千人一駐吳堡之寨子山一駐螞蚱峪刁斗相聞陝民之被淫掠者哭聲震天臨隔一河惶恐萬狀謠言四起居民強半遷移知事胡宗虞親巡河防復飭巡官賀緝熙帶警及磧口商團移船東岸晝夜防守露宿二十餘日匪不得渡臨賴以安是役也磧口縣佐王樹仁警佐焦學堂及巡官賀緝熙等均由知事呈准給獎

謹案磧口鎮臨縣之門戶也縣境萬山羅列惟湫水由磧口

達河磧口雖無津渡而沿河渡口十三處必須取道於此故每遇陝北告警臨首當其衝磧實扼其要歷來辦理團防必以磧口爲關鍵督師者坐鎮於此各渡口紮防營嚴防偷渡不時周巡緝拿姦宄俾賊盜無隙可乘不得長驅直入臨無事則晉無事矣

巡警

縣城巡警局清光緒三十二年冬知縣侯紹宣奉飭創立設管帶一員考取崗警二十名以城內普化寺育嬰堂爲駐紮地址月計薪俸餉餼公費需制錢二百餘千均在地方斗捐項下支領宣統三年奉飭改巡警局爲警務公所改管帶爲警務長增巡兵爲五十名民國元年飭改警務公所爲警察事務所警務長

仍舊添設巡官一名移駐舊城守司城守營三年冬奉飭改警察事務所爲縣警察所以縣知事兼充所長改警務長爲警佐巡官仍舊警佐承所長之命令辦理關於警察一切事宜所內俸餉公費每月約支制錢三百四十餘千又民國二年冬在磧口鎮添設警察分所分隸離臨兩縣各委巡官一人臨縣派警兵八名每月由公署發給警費制錢五十千

權限 管帶警長在警章範圍內一切准自由設施不受縣知事抑制警佐巡官純係佐貳性質並無特權

職務 城內擇衝要地點九處設崗樓各一每崗派警一名輪流駐防城外除磧口特設分所常川駐紮防禦外其他如三交白文等鎮當冬防吃緊時每鎮派警五名按日更換以慎防守

而均勞逸

電綫

民國五年六月十六日奉督軍令在縣城隍廟設軍用電話分局以督署爲總局分布黃河沿岸各縣縣境電線由興縣侯塢村起逕縣城達磧口鎮境內計程共一百七十五里電杆一千一百一十九根由總局安設縣城磧口均派專員駐辦傳報軍事慎固河防

民國六年春磧口設商用電報局由平遙逕汾陽離石入縣境至磧口鎮公署要務亦藉以傳遞焉

古兵防附

錄舊志

營房 明天啓間召募民兵五十名崇禎時又添民兵五十名

作二隊工食取給於本縣均徭內清順治四年定經制去民兵有警派兵防守事平撤回康熙十三年汾營參將歲遣百總一員兵丁十名更迭防守傳塘報通聲息護解送初借寓民居後設營房於縣治東北隅湫隘難容二十四年知縣莫友仁購民間空地拓擴基址分爲二所一所正房三間一所東三間西二間

演武亭 舊臨河構一小廳年久傾圮明時知縣張問行改建於南郭之東砌臺三尺建正廳廚房側房墻垣時知縣常時芳集鄉兵操練於此崇禎五年爲賊焚毀其基半爲豪強所占清康熙年知縣莫友仁查明清出其地畝見各空基圖內

墩臺 縣南北二路舊有墩臺十九座接傳烽火明時以縣隸

各省衛所土軍一千四百六十二名使之更番守望後值豹五之變盡爲所毀清順治六年平德變後奉憲令設置或五里或十里不等擇高阜處所碁布星列雖多廢壞基跡猶存

堡寨 三交寨 城南五里 鐘底寨 七十 堡則峪 城西一百 曲峪寨 一百

開陽寨 杏林莊 堡則城 同一百 第八堡 一百二十五 白文鎮 城北六

鋪遞 在城鋪 安業鋪 城南十里 關王鋪 二十 佛堂峪鋪 三十

三交鋪 五十 桃源鋪 七十 陳庄鋪 城北二十 廟坪鋪 三十

白文鋪 六十 陽坡鋪 八十 白塔鋪 城西四十 兔兒坡鋪 八十

剋虎寨 西通陝西葭縣

謹案營房以下皆建置以資守禦者今皆有名無實而仍附

志末俾後之覽者審革知因抑亦存古之意也

臨縣志

卷十二

兵防

九

臣

舉

小

冊

臨縣志卷十三

試署臨縣知事古黔胡宗虞監脩
山西大學校文科學長晉城郭象升審定

風土畧第六

杜君卿有云言地理者在辨區域徵因革知要害察風土今區域因革要害已詳於沿革疆域等志風土亦人文地理之一端胡可闕而弗錄其不曰風俗而曰風土謂民涵五常之性剛柔緩急每隨水土爲轉移積日積年遂成習尙傳曰風行而著於土土有燥濕即風有醇漓試觀三百篇中唐存蟋蟀兼收揚水椒聊鄭錄緇衣不廢狡童游女雖古今異宜俗尙遞變援琴而操土風猶有不忘本之意約略述此以備輶軒採擇焉

農時

臨在太原之西少南東西直綫相距二百四十七里其寒暑氣候

相差約四度餘緣山境高聳又西濱大河縣川北高南下河流

迅急城南北相距一百七十八里寒暖已差一節如立春之初

城中寒度降至三十六積口祇至四十度白文則已至三十三

度雨水之後依然雨雪驚蟄出牛諺云驚蟄不藏牛種莞豆有二種色黑者大晚

收色綠者小早收城南約早十數日城北約遲十數日餘可類推春分

種麥名曰春麥諺云不得春分地不消得清明杏花開諺云二月清明

杏花開又云三月清明定不開言春遲也灘地境內無水田湫河兩種大麥可用造

一種名青類無糠而質硬可磨麵山地種黑豆有黑白黃穀雨種麻有二種籽

油花麻漚曬取皮用作繩索立夏種穀穀色分黃白青紅名有十數種又為粉

小滿種高粱

俗名稻黍亦種有稷硬二種

芒種種黍

俗名糜子亦分稷硬有黃白紅黑數種諺云緩種糜

子急種穀言種穀已遲也

夏至收菜子芥子

諺云夏至勒網響又云有錢難買五月旱言麥秀穗時不宜雨

也 小暑收大麥大暑收小麥

小麥即宿麥諺云入伏三日麥焦乾入伏之時寒暑表升至八十度

是為極熱又云伏中有雨穀中有米言伏中宜雨也

立秋打麻

灘地花麻成熟遲則皮老漚不成矣 處暑則

天涼無衣葛者

四月猶寒服袂衣五月著單衫入伏衣葛不過一月

白露寒漸至穀皆秀

實

諺云白露不出頭是穀喂了牛言不熟也

秋分收黍寒露收穀

諺云秋分糜子寒露穀是也 霜

降殺百草秋水成橋立冬地不消山梁積雪

諺云十月雪硬如鐵又云麥要八十月

三場雨言八月十月三月也農人以雪雨之有無占麥秋之豐歉

小雪黃河流凌大雪秋水冰

堅

寒表降至四十二度

冬至數九

諺云頭九二九閉門廝守三九四九凍破罈酒五九六九沿河看柳七九八九凍

冰上水走九九又一九犁牛徧隴首

小寒以後寒達極點

寒表降至二十度甚有至十八度時則麥苗皆

凍死矣

大寒以後春意漸生

寒表由二十度升至二十五度不等

此境內寒暑概

况農事攸關不可不注意者約略紀之以備參驗焉

禮俗

臨古西河屬縣崇山四塞故其民樸直勤儉囿於簡陋士習迂拘
恪守師承少知進取近日學校林立受教育者實繁有徒農夫
盡力田畝崇嶺峻阪地無曠土惟牆下路旁鮮知種植樹木邇
年知事奉令曉諭人民漸知森林之益銳意栽培工無精巧技
藝金石土木各工本土人居多數亦惟供本土人指使境內舟
車不通故無富商大賈梭布粟麥列肆交易從無銀行錢舖綢
緞顏料各專行是以俗戒奢靡務節儉謹蓋藏有爲奇袤綺麗
之服者人必指而笑之今則洋綢羽緞充列市廛商學各界漸
形侈靡婦女衣飾踵事增華大非古處矣士大夫鄉處者率皆

策蹇往來雖富家巨室尠畜馬乘婦女必親操井臼炊爨而外
從事縫紉城南且習紡織思深慮遠尙有陶唐氏遺風然直不
好義儉不中禮鹵莽弁鄙恒貽譏於大雅城中舊多縉紳市井
商賈亦半衣長服住屋多係瓦房在鄉村則窑房爲多傍山窟
土平地
用磚石
砌成營窟陶穴古風猶存間有建築廳房者只備晏會積儲
而已農民衣惟粗布食多小米甚有家本小康破衣衲襖而不
恥糠糝藜藿而自甘其儉嗇之習由來遠矣惟山谷小民椎魯
自安罔識大體睚眦之忿輒至鬪毆涉訟以罹刑辟此其弊之
不易救者也當此百度維新之會編制村閭業有成議果使選
舉正紳爲之約束而以宣講勸學佐之凡有新令俾家喻戶曉
董戒而涵濡之則風土何陋之足虞其冠昏喪祭儀節多從疏

略然亦有未可厚非者謹條列之於左

冠 古者男子二十冠而字女子許嫁笄而字臨縣冠禮久廢
衣履少長無別女子但總角近有垂辮者嫁後乃高髻猶有笄
禮之遺意焉

昏 古者昏禮六後約爲三臨縣謂納采爲定親納徵爲送錢
定親日縉紳之家男家寫庚帖並首飾衣料禮單內備財禮約
不過十數千錢借媒至女家女家待以酒席寫女庚帖同書筆
靴帽等項回禮送錢之日祇送錢二四千並四季衣服女家以
多受財禮爲恥窮鄉小戶定親之日男女不書庚帖祇奉錢一
二十千不等名曰上送送錢日奉錢減定親之半名曰下送近
年婚嫁論財居奇可厭七八十千者數見不鮮甚有百數十千

者後昏財禮有二三百千者此最近惡習將有貧不能娶之患
是亟宜矯正者也親迎之禮殷實之家皆行之至日新婿或乘
馬或坐轎親友二三人伴婿同至女家女家待以酒食女先行
婿與伴郎並送親者亦二三
人不等同行至家拜天地後交拜入房不
行合巹禮婿爲新婦上頭名曰破頭猶古親結其縷之意次日
晨起食後送親者回女家婿偕新婦拜父母以次及伯叔親友
名曰見大小三日後新人夫婦偕至女家名曰謝親俗曰七八
回門日後女家接女歸住五六日男家接回名曰喚九俗所謂大娶
也若小娶則男不親迎惟遣親友一二人至女家女家亦遣一
二人將新婦送至男家抱女至房蒙頭背坐毫無儀節惟來日
拜堂見大小而已間有文明結婚者要不數見也尤有因索聘

不足遂至悔婚涉訟夫夫婦之道人倫之始書美釐降詩首關
唯其意微矣所望國家早頒定式痛革澆風不得謂非正本之
計也

喪 古者喪禮最爲繁重臨俗病革之時即爲齷面及手足易
新衣有爵者冠服如制鋪斂衾於棺內瞑目後口內含銀不飯
名曰口含錢覆面用紙以麻絆手足入棺去之即日遷於外寢
名曰成含或用第三日忌雙日無小斂大斂儀節縉紳之家書訃親友餘
惟走告而已三日內親來弔名曰燒紙擇日發引有力之家用
白布張設靈棚門設鼓樂開弔三日設酒筵以待親友來者奉
供獻香紙亦有以三二百錢代者喪家以白粗布摺作孝巾靈
前行禮無舉哀者非有祭孝子不離位還禮古者喪服皆自具

臨邑喪家以粗白布遍送有服之親謂之散孝孝衫凡有服者皆同惟孝子頭着麻冠手拄苴杖爲異耳發引之日以白布繫柩前孝子拖之親友送殯者執紼相送鄰族設祭於道旁名曰擺路祭至於臨壙點主既葬謝土必請顯者爲之惟世家大族有焉三日墓祭安飯棹謂之復三小祥大祥如復三禮孝子必素服三年不止二十七月女子適人者必大祥釋服雖非定制尙不失爲厚浮屠佛事近多不行惟甫除服即帖聯懸綵吉服燕會似又太急矣

祭 臨邑宗法不立故族無祠堂家無廟者居多雖有力之家葬後不迎主士夫家有廟者亦昭穆不分不行四時祭享之禮惟春秋四節薦食而已兄弟析產必拔長子孫田名曰撥長子

初不知爲主廟祭而設並非因長而優異也

士相見 儀禮有士相見一篇臨習簡褻親友避遘不知奉一揖相爾我無行輩稱呼故見賓客則手足無所措而不能寒溫歲時燕會正月爲多城鎮或四盤或八碗肉菜各半鄉村小戶則一涼一熱皆四人一席慶弔大事有力之家亦不過四碟八碗而已至立宗法以睦族姓行鄉飲以序少長則未之聞也

謹案以上五條略錄風俗之梗概俾司風化者有所據以爲轉移他如元宵燈火端午蒲艾中秋瓜餅重陽糕酒率與他縣相同故不詳載至寒食清明中元冬至家家登墳祭掃間有置酒食聚族共飲者至春秋祈報牲醴酬神酒食燕樂之事往往有之農人終年勤苦幸逢樂歲且以喜樂永日猶有

唐風蟋蟀之遺焉

歌謠

竹枝辭

邑人劉如蘭

黏戶紅箋墨色新衣冠揖讓藹然親香燈提出明如海都向村前

接喜神

元日出行郊外謂之迎喜神

花信爭傳放早梅家家設席釀香醅衣冠都要求時樣新婦初來

第一回

嫁娶多在歲杪新春治酒卜吉相招謂之請新人

秧歌隊隊演村農花鼓斑衣一路逢東社穿來西社去入門先唱

喜重重

新春田家多扮秧歌互相為樂

明日清明節又催墦間漠漠野花開擔籠荷鍤隨童孺都為先墳

上土來

清明前一日家家闋治祖墓謂之上土

處處山田叱犢聲
條風吹動柳絲輕
柴門村逕無人到
一笛斜陽

賣卜生

農務興時各詣田治
業村落無一閒人

汗濕輕羅霧繞鬢
綵裙華映草斑斑
何儂不爲還香願
肯上崎嶇

長壽山

四月初八日婦女上眞武山
進香眞武山一名長壽山

綠楊如線草如煙
好是風斜雨細天
辛苦老農猶健甚
携鋤小立

理瓜田

賽會山城四月天
女鬢無數女牆邊
花鈿購得爭新樣
消受儂家

賣笠錢

村鄉婦女綴笠售錢
自備觀會衣鈿之費

人生樂事數農家
雞犬桃源未足誇
弟學耕田兄下種
垂髫小女

紡棉車

隄前湫水照紅粧
隄上行人唱玉郎
妾自浣衣郎自唱
從來不識

鳳求凰

綠雲漠漠溢平疇底事豚蹠祝滿篝夜半月明天似水有人守水坐灘頭

黏紙成衣費剪裁凌晨燒去化飛灰禦寒果否泉臺用空到荒墳

哭幾回

十一月一日黏紙衣焚化謂之送寒衣婦女哭尤盡哀

臘八敲冰歲又闌堆階片片凍痕攢朝來煑就長生粥共食團圓

大喜歡

臘八日取冰列階除煑長生粥共食

歲晏鄉村嫁娶忙宜春帖子逗春光燈前姊妹私相語守歲今年

是洞房

過二十三日嫁娶謂之闖亂年取其少避忌也

方言

俗稱

謂父曰爹母曰媽

謂祖父曰爺爺祖母曰娘娘

謂曾

祖父曰老爺爺曾祖母曰老娘娘 謂伯母曰大娘 外祖父

謂之個爺外祖母謂之個婆 岳父曰妻翁岳母曰妻母 表

兄弟曰姑舅 姨兄弟曰兩姨 妻之弟曰小舅則妹曰小姨

則 兩姻相謂曰親家 親讀去聲 對人稱夫曰乃對人稱妻曰居舍

的 舍讀平聲 呼兒曰小則女曰汝則統呼小兒女曰戲 讀平聲 婦人少

年謂之矜則老謂之老婆統呼曰婆繫 連襟曰挑担 外孫

外甥統呼曰外傻則 同母異父曰夾山兄弟 異姓兄弟曰

拜石 以上倫常

俚語 早霞曰早燒 讀去聲 晚曰夜燒 電曰打閃 雹曰冷雨

冰曰冬烈 讀上聲 雨足曰諾 讀上聲 霖雨曰連陰 天明曰覓 讀若迷

來日亦曰覓 夜曰黑間亦曰黑地哩 以上天類

地不良曰狼不吃當是糧不值之說不山地三畝曰一垧本作畹言用牛工一日也四

畝曰一坵 住宅曰舍窠 室內曰居舍讀平聲室外曰院前

室內床上曰坑下曰謙 承塵曰幔則 地孔曰窟壠地隙曰

圪拉讀去聲火台曰鍋巷 護宅地曰圍圖 在近曰跟前 稍

遠曰五哩以上地類

人善曰拴繳 人強曰利害弱曰胚丈 人精能曰精吧無能

曰不中用 莫出洗曰來歹來讀上聲夥友曰火計 承繼曰頂門

又曰過嗣 罵無賴曰黑皮 閒談曰告訴又曰道愜 快意

曰灑樂 戲言曰顛憨 責人曰數說 辱人曰欺勇 債曰

起夥 怒曰起火 罵謂之卷 鬪毆曰厮打厮讀入聲呼遠人以

唔 應聲以唉 比鄰往來曰串門則 親友慶弔曰行門戶

昏喪設席曰作肆筵 病曰難過 小兒病曰不乖 死曰

失跡 失信曰下蛋 污穢曰若麟 潔淨曰鏵刷 速來曰

躡些又曰快快的 問何處曰阿哩阿讀入聲 彼時曰違陣此時曰

知會 不懂曰解不下解讀若亥 堅耐曰吃硬 柔懦曰不吃硬

勾引子弟曰套哄 又曰捉鼈 哄人曰塊以上人類

物件曰東西又罵人詞 失物曰載了 物多曰一胡桃又曰

很些 少曰些須又曰些微 足用曰儘够 無有曰歿拉

拋物曰珥又曰料 背囊曰順順 鈕扣曰圪荅 土籠曰卜

籃 棺曰木頭 物重曰沉 物好曰克戲 不惜物曰作害

鳥飛曰希 獸走曰个人疾走亦云 呼雞曰呱呱 貓曰

糜糜 呼猪曰樂樂讀入聲 鼠曰孤兒 飛鳶曰吳擺 鵠曰野

宿則又曰野咋咋

以上物類

宗教

縣境有十三官寺

蹟見古

率皆創自金元前紺宇琳宮莊嚴璀璨教

徒信仰頗極一時之盛今則散走四方苦難餬口其株守古刹者亦皆粗鹵無文不過晨夕撞鐘而已佛教式微已達極點

城內

舊有僧會司在普化寺內後遷於城隍廟西偏院今廢

天主教則有城內青塘村教堂清末入其教者頗夥據最近調查教民注冊者共一千餘名

耶穌教清末於治城南門內設教堂一處入教者九十二名其餘喇嘛黃教紅教回教景教均無

舊志載仙釋四人並新採一人仍附存之

圓覺早悟佛經秘旨一日至北門瓦窰坡上鑿土爲龕焚香獨坐語徒衆曰吾將歸矣衆問期曰來日耳沐浴更衣含笑說偈而去 智祚城南善慶寺僧出塵離俗忽一日集僧徒謂曰吾將別汝等矣即書一偈云來兮無餘去兮無缺撒手便行更無風雪鳳棲丹嶠水朝東一點靈臺光皎潔何皎潔曉風吹落西山月 高神仙南都人少好游遇異人授以木尺有患病者一擊即瘳嘗於嚴冬浴湫河凝冰立解臨終屬其子曰八仙來會方可埋我殮時果值一仙姑持畫八軸來售問之乃八仙畫也其子曰此應父言可以葬矣 青塘西寺僧名不傳專心悟道不與俗僧混處衆惡其立異遣之使去僧曰而今旣入驪龍窟未獲明珠不肯歸後得道不知所終 了微字去凡東峪寺僧

清淨簡約超然塵俗素精黃岐術活人濟世不索藥資日擊觀
音殿宇年久頽壞急需繕修盡以所積百餘金慨助工資不數
月而告竣土人立碑記其事

謹案我國尊崇釋氏始於漢迄於明其時固無宗教之說自
歐風東漸教徒足跡幾徧域中始因人不相習或狃於非我
族類民教齟齬勢所難免雖然教無論中外要以勸勉於善
爲主旨東海西海心理奚殊託字者苟一視同仁推誠相與
世界大同之極軌肇端於茲夫非人類之幸福歟